



咸豐己未孟冬

通甫詩存

南豐譚祖同署

通甫詩存自敘

通甫

六律

通甫

通甫

敘曰起乙酉終戊午錄詩三百一十二首惟質性疎陋學之不勤開之不廣研之不精所從去古人遠遠又重疾夫世之噉名鶩進以詩爲贄爲刺利祿之塗紛如也竊重自閉錮不欲苟焉自見於天下且古之修詞立誠豈徒然哉世有督過吾者吾師也敢拜受賜

通甫詩存

自敘

卷一古近體詩八十七首

送王慈雨入都

乙酉

昔游

送徐健安之官潼關二首

己丑

鬱金篇

庚寅

雙燕離

春曉齋中作

有所思

訓潘四農自都枉贈之作

送王孝廉之山左

通父詩存

目錄

太華篇

讀青山李翰林新墓碑歌

徐健安兩上書幕府求從大軍西征壯其志氣慨然寄

詩

揚州五臺山寺

辛卯

述舊長歌寄李朗山

吳環九牛圖

哭健安參戎

四首

臺城晚眺

徐鶴孫涉江渡河千里見訪詩以慰之

壬辰

李元忠歌

過張處士

崇禎隱居

兩川灣頭

荒年謠五首

癸巳

送人南游寄題金山寺

甲午

江夜

寄徐廣文頴上

二首

吳子野畫東海營圖

乙未

諸郎

二首

履霜行

春雨示同學諸子

明月

通父詩存

目錄

古別離

古歌

響水口

二首

和友人登雲臺絕頂

哭王郎

吳二首

懷孫進士

粵廣州

吳陵

登通州城樓

舟夜感懷

曉起

自邵伯埭西至引塘橋遂游梵行寺

奉題卓海帆夫子居庸題壁圖

丙申

別黃香鐵

德州渡河

題徐子容少府溪山垂釣長卷

丁酉

郭羽可舍人墨竹引

長歌贈吳稼軒孝廉

明大內蟋蟀輓歌

憶長安舊游

十八首

哭王慈雨

九首

卷二古近體詩七十九首

荏平作

戊戌

通父詩存

目錄

贈張亨父同年

贈澎湖蔡廷蘭孝廉

二首

長歌送亨父之武昌兼呈林少穆制府

次亨父河間題壁韻

亨父用前韻復贈再次其韻

閏四月十八日袁江道中念亨父今日當至樊口馬上

慨然爲詩

袁江遇江龍門歸桐城

贈王耶

考功子

秋雨雜詩八首

得林少穆制府書知亨父子從襄陽將返閩中且爲海

外之游憶之作詩

送稼軒入都四首 庚子

得稼軒京師書重寄二首

容思

觀彭城兵赴吳松防海

金山寺

北固山

游焦山作 四首

題元穎川王父子清秋迴獵圖

題路文貞公遺集

讀史雜感五首

通父詩存

目錄

重有感八首 辛丑

苦憶二首

送劉州丞赴皖 三首

烽戍四十韻 壬寅

崖州司戶行

三公篇 三首

投贈周東阿制府四十韻時周方乞假歸宿州

檢篋中得嶺南黃廣文 劉 閩中張同年 際亮 手札

憶焦山 癸卯

憶金山

黃通守席上喜晤蔡少府卽事有作

河決後填淤肥美友人藉資爲買田宅夏日遣奴子往  
視黍豆歸報有作

答居

題周侍御宣府課經圖

送邵生東歸

東澗歌送嚴生

聞張亨父卒於都門哭之有作 五首

得周侍御都中書及詩知歲晏仍有宣府之行期以來

秋南歸賦答二十四韻

卷三古近體詩七十七首

姚廉訪自海外被逮入都過南清河有缺將候旋幸

通父詩存 目錄

恩命謫宦四川欣慨交錯賦寄三章 甲辰

雜感十二首

哭湯海秋同年

絡緯 乙巳

聞林侯官入關再秉節鉞枕上口號 丙子

蟋蟀

過荀卿墓 丁未

雜詩 四首

贈別厲伯符林少子 二首

少穆師自關中移節滇南卽事寄其公子 汝舟 編修都

中 二首



訂四農丈遺集告成感而有作四首

戊申

登馬陵山

已酉

王翁招飲馬陵山下適韋篤部奉使至順河不及展敬

寄之以詩

題蔡通守後亭

雨甚入於彭城

大士巖

放鶴亭

大佛寺

登戲馬臺

登東城

通父詩存

目錄

晚登黃樓

韓觀察招飲含青館醉歸奉簡

二首

望湖亭

白鹿洞

同史廣文譚少尹坐紫翠軒石牀品山泉作

雲龍行宮

贈允上人

十三夜月

再贈允公

觀允上人舉爐歌

四月十六日雲龍精舍同慕韓廣文攜譚兩生集紫翠

軒作

自桃山趨黃桑峪望瑞雲寺

入瑞雲寺

瑞雲寺阻雨竟日

山中早起

晨陟後山觀洗鉢池

樗公塔

出谷行二十里至龍泉寺

道羅家港至二十五里橋

瑞雲寺南樓

送在上人歸安宜

通父詩存

目錄

柳泉

微山湖

望月懷遠

贈葉潤臣舍人

石門橋

雜感五首

辛亥

卷四古近體詩七十九首

三月十四夜試院對月卽事有作五首

壬子

讀史偶作

講武

呂祖閣道士是 仁宗時官監

秦平陽斤銘拓本爲王比部賦

葉小鸞眉子硯爲王孝廉賦

致經堂圖爲孔舍人賦

題孫芝房同年蒼葢谷圖

題伊漪君菰蘆息影圖

野鷺山居圖歌爲鄒孝廉賦

留別曾澹生侍郎

過南苑作

鮮花會辭

送戴五

釣衡歸桐城四首

送符孝廉遊皖

通父詩存

目錄

南沙河雨夜聞軍中急遞有作

嶧鄉道中

自嶧縣舟下丞水入泲河抵宿遷舟中雜詩

六首

宿桃源驛

入門二首

贈周生

癸丑

贈傅明經

桐二首

送賞大

禮

題何子毅效錢南園六馬圖

甲寅

周止安畫冊爲周蓮亭大令賦

牡丹畫卷二首

乙卯

宿遷道中遇西川張孝廉

懋康

二十韻

丙辰

半城

青駝嶺大風

公氏山居

登岱至一天門作

斗姥宮

迴馬嶺

半山亭

憇五丈夫松下

萬松嶺

南天門磴道

通父詩存

目錄

登日觀峰

登玉皇頂觀古封禪臺

碧霞元君廟

東嶽祠

下山登南天門樓

齊河橋

自阜城至河間道中

四月三日同人祀願亭林先生於報國寺遂爲展稷之

會賦五十韻

題葉潤臣江漢歸舟圖

再題城南買醉圖

南歸述感雜詩

八首

途中懷人五詩

蕭寺尋秋圖爲張午橋舍人作

丁巳

宥函殉難江蒲遙哭以詩二首

戊午

門人沐陽周韶音

南豐譚祖訓

男 安東黃 虞

男 葵

賁 全校

通父詩存

目錄

十

通父詩存卷之一

送王慈雨入都 乙酉

我昔十七齡意氣高軒軒君從塞外來紫色須眉卷傾蓋秦  
東門冥酒蒼梧巔騎馬大澤中一月去不還明年初渡江方  
舟踏怒瀾論兵北固樓感歎周郎賢歌呼振林壑蛟龍驚洄  
漩歸來孫卿宅夜夜分寒氈寶劍明月光玉壺頗黎泉啤呢  
天下土放浪白雲篇意將千萬乘致主軒義前行復隨赤松  
跨虎游名山此志竟蕭條徒步歸田園嚴秋沙草枯狐兔驕  
長阡臂鷹出漣城鳴鏑東海邊林田佳釀多河鯉登盤鮮跌  
宕少年場功名何有焉君今往大都得意須聯翩飛狐關峩  
峩巨馬波潏潏奮翼欲從君私懷難共言莫以參辰別各在  
通父詩存 卷之一

東西天飛雲鶩窮野萬里相周旋

昔游

昔游莽迢遞今望獨蒼茫落日見孤隼驚風吹大荒蛟龍秋  
改窟鴻雁夜違霜搔首歌哀郢鯨波萬里長 時湖決

送徐健安之官潼關 己丑

黃河旌旆去悠悠終古雄關踞上游百二河山尊白帝五千  
文字拜青牛泥丸地險車聲壯沙苑天寒馬骨秋回首玉京  
人萬里朝朝風雨夢螭頭

秦雲隴樹路悠悠新息平生憶少游榆塞西風窺牧馬桃林  
春雨望歸牛地分四塞咸京固人立三峯太華秋見說遊魂  
棲雪海更無心看大刀頭

楊花爲浮萍一氣變化之張羅待高鳥毋乃所願非咬咬天  
邊日團團園中葵吳人懷寶劍忽與徐君期鏡裏芙蓉花對  
面空爾爲可憐白壁光照耀青松姿忍令清路塵化爲濁水  
泥白雲與紅葉條忽成離披夢中捉胡蝶笑殺莊生癡多種  
鬱金香佐以萱草枝莫將支機石說與河濱兒

雙燕雜

雙燕相傍飛飛入人家青天游絲挂白日飄然銜出雲中  
花初入烏衣巷還過青瑣門交飛瞥見語不息金刀碎剪玻  
瓈聲誰家女公子紅絲苦相殛自從花間離一去無消息東  
風搖蕩珠簾開雙燕朝飛暮獨來銜泥墮落亦不拾雕梁繡  
通父詩存

卷之一

二

戶久徘徊

春曉齋中作

東方猶冥冥禽聲在高樹卻看檐際白已照屏間素羣動尚  
未作微夢忽已去因悟人生初澹然無百慮起看庭中條零  
落滿朝露青春若可畱吾與爾同趣

有所思

玉階青草滿修竹生蘭幃落日百花掩細雨春蟲飛靜想情  
已結起仁空猶夷所願了不諧悵爾東風歸

訓潘四農自都枉贈之作

故鄉空雲水望遠何寥廓翳昔此迫涼舊懽惘如昨一罷淮  
陰酒中更丹楊郭遠念日下人果枉京華作高鳥擁歸雲長

天倚秋嶽寤想空陵緬飛沈兩寂莫安得駕雙龍煙霄破羈縛

送王孝廉之山左

前年君自潁川來相逢海國傾金罍去年君向燕臺去我亦南開橫江渡燕齊吳越萬里天與君立馬相周旋臨行滿酌一杯酒笑看新月懸秋煙側聞君歸不得意北游欲辨滬淄味竹溪流水生微波遙瞻魯國何嗟哦堯祠擊鼓白日晚徂徠山前風雨多君不見昔時太白酒樓春樓下荷花笑殺人如今人去花亦落銜杯一望愁心神不然岱嶽峯頭看東海仰穿御道窺天門七十二代委春草萬古厯落松風聲君家家在鏡湖側若耶溪水照人碧何不歸臥雲門寺何不歸耕通父詩存

卷之一

三

太華篇

友人新自郟陽歸道出華陰具言三峯之勝爲賦此

篇

黃河五月聲喧厓間君西從天上來終南太白不挂眼華嶽三峯何雄哉穿雲裂日九千仞舉頭問天天欲應芙蓉峯接芙蓉城玉女明星照明鏡太乙蓮花十丈開蒼龍極望迷雲臺雲臺下瞰氣深黑洞穿河底忽東出魚龍翻倒人上行耳畔不斷嘈嘈聲朝陽峯前坐朝日桃都山上天雞鳴仙人長爪五百尺橫空壁破青冥冥函谷關前氣猶紫龍興虎視如



流水秦皇漢武可憐人東望蓬萊心欲死五嶽尋真約向平  
願從此地說無生攜來小謝驚人句白帝宮前呼白雲

讀青山李翰林新墓碑歌

東方仙人去不還長庚老子畱人閒丹書劍錄不去手騎龍  
跨虎游名山九十六君太平世西來偶坐飛龍騎昭陽宮裏  
一顰眉倏如青天墮平地東過商洛游梁園燕姬趙女如春  
煙吳山桃李不稱意西來高臥匡廬天廬江軍聲夜半起淮  
南諸侯作天子赤金不受五百斤白首西行九千里大江茫  
茫洞庭秋三年歸及青山頭玉棺一降金斗渚明月空懸鵠  
鵲樓鵲樓牛渚浮雲改青山萬古幾人在姑溪流水蛾眉雲  
依舊隨波到東海君不見當時身穿宮錦袍如今腐化生青  
通父詩存 卷之一 四

蒿不見御腸天厨羹如今麥飯知誰陳頗黎明月難長久遺  
珠去作民間婦空持死後千秋名不換生前一盃酒依稀記  
得謫仙人興聖皇帝九代孫遙將千點瓊瑰淚灑向蒼梧萬  
里雲

徐健安兩上書幕府求從大軍西征壯其志氣慨然寄

詩

將軍 帝室之虎臣 先帝之末攀龍鱗十年落度謝朝

謁歸臥淮南白氈巾湖上騎驢覓詩句儒雅風流何恂恂一

旦提兵赴西極快如俊鷲穿雅羣黃河五月風濤奔挺劍躍

馬當關門八川形勢繞太華二陵風雨悲亡秦潼原萬里一

孤鳥屹立已是千人軍側聞啞啞多烟塵雪山北接蔥河源

防秋勁卒數萬騎苦戰往往連冬春將軍上書不報聞忠憤  
一湧黃河吞眼前不識尙結贊胸中已無吐谷渾花門朝朝  
試劍士戍樓夜夜占星文憶當西寇初游魂君也海上來相  
親荒街古寺暮沽酒劇談夜雨天傾盆男兒願作李西平不  
願老作中書君何時一掃欃槍淨橫梁高歌看塞雲

揚州五臺山寺

辛卯

山寺晨光清肅肅四無人聲數聲竹入門萬箇綠照人上下  
參差一寺雲林幽殿古佛象大燈明香細經壇尊朝噉浮瓦  
萬象出山果墜地百鳥喧梵聲出林似流水白頭長老眉過  
層旁行疏寮幽絕處但有桂香無桂樹門外風帆來笑人午  
鐘未動念念去

通父詩存

卷之一

五

述舊長歌寄李朗山

我少落度材不羈心高意大無所推千金散盡一盃酒拍手  
笑殺淮南兒就中惟君推莫逆甘羅城畔始相識白芒春衫  
烏角巾皎皎知是青雲客三年不見思頗深東來海上尋同  
心海上茫茫沙草晴黃河濁浪春風聲君家瀕河我近市五  
里之隔聞鷄鳴興來便騎果下馬直到門前楊柳下楊柳蕭  
蕭拂溪流野水彎環容一舟黃雞白犬各蕭散紅藤翠葛交  
清幽雙鬢十三巧梳頭纖手自奉花鬢幽佳人中厨鸞刀柔  
紅鱗上市芹芽抽梨花春酒照眼綠一醉便作三日雷買舟  
更探射湖遠六幅蒲颿流轉四月五月海雨鹹蘆葉沙沙  
暮潮捲湖雲作夢迷東西醒來微聽沙禽啼烟波來往無相

違明年我逐秋風歸君亦改卜南湖陂風谷邨邊多草樹欲  
訪仙源不能去書來似惜別離深相呼相喚淮南路勺湖水  
淥如瓜瓢淮南女兒名月香喚來尊前彈履霜城頭月出天  
微黃小艇穿花花低昂天風吹空笑聲舉美人張袖登城舞  
水光雲氣不分明埵鈴忽送蕭蕭雨老子祠西落月明仍呼  
道士吹玉笙朱門玉洞盡秋水樓臺似欲浮空行此間一月  
足千古相逢盡是海鷗侶驪場迴首總茫然黃葉西風又一  
年大江月白秋無邊瓦官雪浪高連天南朝攜手作重九花  
枝插徧秦淮船方將西尋采石渡更欲東試中冷泉雲漂雨  
泊不稱意朔風大雪心憂煎人生有情類春草紛紛離合知  
多少我家阿葵君愛之花紅雪白頗嬌癡君來如放山陰櫂  
通父詩存

卷之一

六

爲君呼出教吟詩

吳環九牛圖

古來畫牛傳戴嵩後有吳環筋骨同畫牛取肥不取瘦蹄尾  
圓大尻雁豐沙新水淺柳葉闊林香岸古桃花紅幾家漠漠  
社公雨一川蕩蕩蘆芽風春秧下地麥苗秀髭髯邨落江淮  
東一牛斃草一牛臥兩牛掉尾穿烟叢旁行三牛齊渡水迴  
波貫鼻聲洶洶兩牛嬾珊下遠坂半露腰脊行從容太平田  
家盛畜牧此間豈有多牛翁今年秋水半天下荆襄饒豫糧  
蛟龍江淮南北尤橫絕萬屋風捲隨秋蓬耕牛如山餓欲死  
往往屠宰山邨空三公自古問牛喘陰陽之理吾所慚側聞  
有詔下都邑普貸牛種驢春農小臣夜兆維魚夢何時考牧

廣新宮

哭健安參戎

出塞誇猿臂還朝戴鷓冠  
夜霜千帳白春雨九門寒  
御騎空營立遺弓戰士看  
傷心說飛將何必雍門彈

風雨淮南夜狂歌正爾思  
豈知苦吟口已是蓋棺時  
燈影須髯豎風聲劍戟馳  
分明前夕夢嗷嗷萬人姿

十口家何在三軍涕共揮  
英雄生易別貧宦死難歸  
座冷官奠塵昏舊賜衣  
傷心一老校間撥紙錢飛

無地堪薶骨平生願裹屍  
音書身後達奴僕死前離  
壯氣歸西嶽陰風折大旗  
峭潼天一綫更比玉關危

臺城晚眺

通父詩存

卷之一

七

矯首青天二水明西風寒  
隋亂鴉聲樓船似馬爭趨海  
鍾阜如龍欲進城壁月淒涼  
宮樹老金甌殘缺佛燈清  
寒潮夜打荒山腳猶認浮刀  
百萬兵

徐鶴孫涉江渡河千里見訪詩以慰之

壬辰

八月九月江水清獨鶴飛過吳  
王城余方歸臥烟波裏鶴亦  
尋余渡淮水相逢一笑口不言  
手指金杯姑飲此當時見君  
淮南垂與君醉裏攀桂枝吳船  
滿裝百斛酒勺湖九曲尋淺  
夷魚燈影小夜椰急風蒲力弱  
沙禽啼西遊不遇思南渡長  
柳湖邊孤舟去秋風吹入五雲  
溪布帆遙挂毘陵樹迴船伐  
鼓昇州行江楓岸荻彫紛紛錦  
袍紗帽笑攜手酒樓對捲青  
山雲青溪小姑嬌於花河亭四  
壁花爲家微霜夜打石城柳

當筵勸客小垂手一聲風笛金川門離心已到鑿江口  
萬事嗟不遇衝風踏雪海東路望門投止多然疑市南大宅  
誰當推已分今無李元禮安知世有鄭當時徐鶴孫君勿憂  
我不能覆君千問之大厦尙能臥君三層之高樓日飲亡何  
醉卽休青絲白舫消春愁相期更踏蒼梧頂下看蓬瀛萬里  
流

李元忠歌

吾愛李元忠長捐渤海長頭公露車濁酒來雍容國士到門  
門不通急還吾初非英雄高王握髮前致恭素琴一曲彈未  
終幽定六州如捲蓬頃刻關洛分西東當時建義聲轟轟  
曹真虎公真龍丈夫要在能活國十五萬石隨東風歸來一  
通父詩存

卷之一

八

笑酒杯空不愛將軍僕射與儀同何况刺史太常與侍中葛  
巾幘被大樹下滿庭花藥秋濛濛少府踴躅步兵窮眼前鼠  
子多於蟲臥龍而後無此翁

過張處士

崇剛隱居

偶逐閒雲去因逢流水源歸牛徐隱樹小雨久藏邨柳茂稽  
康宅花狂庾信園賜書因借讀先澤溯清敦

君之先祖舉康  
熙中鴻詞科

雨泊灣頭

蒼山不可極一櫂且孤征寒雨白遮驛遠燈青入城鄉音鄰  
舫認湖氣暮天明住近吹簫地蘆花有雁聲

荒年謠

癸巳

饑沴洊疊瘡痍日甚聞見之際感焉傷懷爰次其事

命爲荒年謠事皆徵實言通里俗敢云言之無罪然  
所陳者十之二三而已

賣耕牛

賣耕牛耕牛鳴何哀原頭草盡不得食牽牛躡躡屠門來牛  
不能言但鳴咽屠人磨刀向牛說有田可耕汝當活農夫死  
盡汝命絕旁觀老子方幅巾戒人食牛人怒嗔不見前村人  
食人

拾遺骸

拾遺骸遺骸滿路旁犬饜烏啄皮肉碎血染草赤天雨霜北  
風吹走僵屍僵欲行不行醜且尪今日殘魂身上布明日誰  
家衣上絮行人見慣去不顧觸體生齒橫當路

道父詩存

卷之一

九

縛孤兒

縛孤兒孤兒縛急啼聲悲主人出門呵阿母阿母垂涕淚已  
經三日不得食安用以子殉母爲不如棄兒去或有人憐取  
主人聞言淚如雨家中亦有三齡女前日棄去無處所

撤屋作薪

撤屋作薪雪霰紛紛三間老屋昏無燈朝撤暮撤屋盡破竈  
下溼烟寒不溫大兒袒小兒羸餘草布地與包裹明日思量  
無一可尙有門扉堪舉火

小車麟麟

小車麟麟女吟男呻竹頭木屑載零星嘔呀呻吟行不停破  
釜墮地灰痕青路逢相識人勸言不可行南走五日道路斷

縣官驅人如驅蠅同去十人九人死黃河東流捲哭聲車麟  
麟難爲聽

送人南游寄題金山寺

甲午

泉是中冷好樓從北固分送君風瑟瑟相憶水泐泐僧臘逢  
殘雪江晴見斷雲遠公如借問爲誦北山文

江夜

已失盧龍紫來看幕府青浮空天淦淦欹枕水冷冷廟火懸  
孤嶂江風捲亂星腰間玉犀在月黑走精靈

寄徐廣文頴上

老輩靈光在他鄉暮景偏春來懷楚信盼斷過湖船萬卷清  
時俸諸郎海上田雪中歸雁少寥落杪冬天

通父詩存

卷之一

十

舊業餘青史閒官稱白鬚懸知帳前滿不向府中趨問俗經  
黃霸論交到灌夫還憐秋水色晴浪蹙西湖

吳子野畫東海營圖

乙未

黑風捲海倭船來銀濤雪浪如山積洋山高島不復見鷹游  
之門安在哉金門萬里傳烽戍行人夜過恬風渡念念朝議  
撤藩籬長釘短柵牢關住烟火如雲二萬家一時驅逐隨飛  
鴉瓊宮玉殿燒狐火深巖大壑盤虬蛇二十年來海軍閉部  
臣一去漕臣至重開鑰鑰洞門垣十萬峰巒有生氣建牙吹  
角邊風生朱旗落日千山明詞人水殿拋毬曲寵女春游拍  
浪聲香秔野麥連山藪游兵不到朱蓬口小校閒攀洞口桃  
將軍解種營門柳吳生健者寫此圖撮米山川定不如君不

見大洋東望海水黑青天一髮窮夫餘歎弓臥鼓君莫娛  
帆屝甲光模倂太平有道四夷守乘風破浪無時無

諸兒二首

阿葵年七歲讀書自不歇雖無驥子姿見人畏噴喝阿蕢今  
四齡心孔大狡黠跳地作彪兒人誇好毛骨最小名夢官墮  
牀裁逾月忿忿爲人父眉目那能說自來厚邱縣宿昔頗念  
切判無果餌致畏見衣袴裂壯夫抱奇懷四海多孤孽詎爲  
兒子慚卓哉古人節

小甥吾所憐三日生早孤零丁頭白姊珍重匣中珠九齡病  
癯癩身無完肌膚遲迴依我家視與諸兒殊每當風雨夜達  
且聞啼呼母子同一哭終歲無乾襦起來索燈火爪血腥摸  
道父詩存 卷之一  
餽吾母不忍見背坐聞啼噉此景那可說說之肝腸枯安得  
腰千金四海尋扁盧

履霜行

鴨鳴鴨鳴雞朱朱母雞爲鴨哺其雞生兒不看長成畱與他  
人爲奴阿父出門後母持家兒來前湖中草實多纍纍朝出  
提筐暮黑方來歸不敢告饑汲水前溪滌溺器爲嬌兒澣中  
衣亡母位在堂兒來焚香房中呼不磨奪手中香拉雜蹴踏  
之小子心不良九月蒼蒼晨起履霜往哭亡母墓旁阿叔騎  
大馬出門勒馬爲兒下不敢告阿叔紛紛淚雨交墮往告汝  
父汝父當自可父兮歸來問阿母一字天吐阿母怒目錚錚  
駑作父大難兒不苦黑風打頭天欲雨



春雨示同學諸子

牢落不成點蕭寥晚更勻春雲如遲客高柳漸依人  
沙沙黃壚夢飄飄白袷身吾門二三子久亦狎吾真

明月

明月非春水如何滿地流離離出海嶠益益注金溝  
花露時翻鵲風江有去舟多愁拚看汝扶影傍南樓

古別離

快刀不斷路快馬不斷塵君聽塵中輪是妾腸中聲  
丈夫懷四方隻手牽長纓君行爲黃金妾心那得不平君  
愛終身貧將妾來比金君心自分明

古歌

通父詩存

卷之一

十一

汲水當汲泉插花當插蕊不復歸本根向君瓶中死  
常恐斷君腸不結青青子

響水口

海上樓臺事久虛東來匹馬意何如萬家酒氣驕晴日  
五月雄風送大魚時逢閏夏入塢帆檣首銜尾出泥螺癩骨專車蓮舟  
太乙飄何處祇欲浮家從老漁

莽莽乾坤水一杯秦船漢船散爲灰雨餘海馬乘潮上  
風急神魚拜廟回陰火沈烟迷島國青山如黛湧雲臺揚帆破浪  
非吾事小試張郎作賦才

和友人登雲臺絕頂

大洋東望渺無垠獨上丹梯近紫宸九點烟迷三島月十洲

風轉六龍身番僧結屋棲山鬼夷舶封羊祭海神聞說桃花  
開似斗不知可有避秦人

哭王耶

吳

八年哭汝祖五年哭汝父汝叔歸重泉汝兄尙淺土汝姊未  
笄亡汝姪痛不舉連頓六七喪新主滿廊廡堂上何所有三  
四老寡姥庭前何所存弱弟行踽踽出入何所賴老僕當門  
戶十五解讀書蚤夜事攻苦十八能持家部署顧縷縷謂汝  
眞夙成每共親中語誰知中道乖驚風摧蘭杜傷心雙眼枯  
無淚能哭汝頓足一長歎夜黑蒼天雨

門後青桑枝門前白楊條大宅空無人九夏風蕭蕭去年聞  
汝病踏雪溪南橋對牀相就宿爐藥翻秋濤今年聞汝病在  
道父詩存

卷之一

三

遠心搖搖急驅方入門但見殘楮飄骨肉尙未寒高塚已嶮  
嶮哀哀越巫言禁忌何譏叟家人不得送孤魂出遠郊藁葬  
旣非禮况乃同狴牢承絕骨肉恩俯穴心切切

懷孫進士

粵廣州

海外仍諸國天南限一隅士兵船載象番客斗量珠翡翠搖  
春帆檳榔入夜廚如聞酌泉水可帶越裝無

吳陵

三十功名未肯閒酒酣走上鳳皇山寒雲落日不稱意數徧  
開平戰壘還

登通州城樓

畫角營門亂鳥還朱旗微閃夕陽間海風吹酒不成醉立馬

城頭看劍山

舟夜感懷

歸路疑天上，羈心晚鬱陶。逆風過午驟，危岸入冬高。市酒連泥甕，江魚剖竹刀。深閨枯杵響，應念寄征袍。

曉起

曉起寒生袖，推篷霜滿天。西風燒竹路，北客載棉船。鸚鵡穿林小，車螯入市鮮。客囊任蕭索，羞用賣文錢。

自邵伯埭西至引塘橋遂游梵行寺

其說南塘好，何人此地經。湖天寒變白，冬樹水雷青。螺女眉痕闊，魚舟鮓味腥。徘徊仍獨去，斜景下冥冥。

奉題卓海帆夫子居庸題壁圖

丙申

道父詩存

卷之一

西

雄關上千仞，古色立積鐵。摩空吟燕雲，元氣何時裂。少宰建星輶，下馬清興發。腰間白豪筆，飛動虬龍掣。墨噴遼海雲，氣貫太陰月。慨想羸劉來，乾坤幾戰血。至今彈琴峽，流泉澀鳴咽。太平二百年，砥道走深轍。落日阜雕閒，飛啄關門雪。持作九邊鎮，庶熈燕然碣。

別黃香鐵

百年在一夕，揮手卽萬里。自非木石人，誰能復禁此。我家東海濱，君家南海隅。海水漂浮萍，宛轉一須臾。君謂我盛強，相見當有期。我強君已衰，世事安可知。握手臨街衢，長歎無言辭。遠燈照君行，深巷風酸嘶。今日孤館宿，明旦易水湄。易水暮東流，青天無見時。痛惜有生初，爾我交參差。不爲萍與岑。

猶爲斗與箕南北耿相望茫茫慘中私

德州渡河

黃砂渺渺暮雲愁無數帆檣繞德州欲覓鄉船通一語滿河  
燈影下中流

題徐子容少府溪山垂釣長卷

丁酉

南宗平遠窮織禮北宗莽蒼堆高空營邱華源不復作江山  
萬古誰清雄 國初蕭生聲隆隆近來獨數徐髯工髯也十

二棄雕蟲十五十六遠從戎南極沈黎西甘松寶刀殺賊不  
快意一官手版今龍鍾雁門馬邑連雲中翁昔佐郡驂花驄  
蔚州官舍簿領少但食山綠扶孤筇日斜吏散坐小閣千山  
萬水來心胸吳縑百端墨百挺突元四壁生華崧三年歸臥  
通文詩存

卷之一

五

建陵月候忽騎馬摩蒼穹幽州四月天多風九門翠幟驕游  
龍宣南小邸日扇鑄冰槃堆案櫻桃紅我來窺戶正磅礴十  
指幻出千芙蓉今之二圖尤慘澹其一似仿山樵翁溪山垂  
釣大不易扁舟忽送江流東四十年來寫過目卻憶快馬彎  
長弓狐關雪嶺幾萬里晚看鏡水磨青銅思君不見愁枯桐  
片帆欲動蛟龍宮梅梁禹穴今何在渺渺青山一去鴻

郭羽可舍人墨竹引

舍人自寫墨竹十二冊傳之子孫  
誓不以與人余見之長安員至寶

也

湖州老守游大荒丹邱墨竹推擅場七百年來失此筆令我  
不復思瀟湘永豐先生真肌腸中有山淥兼湖光清都夜直  
每發興落筆驚動中書堂當時手寫十二冊誓傳孫子爲寶

章王侯貴人奪不得驚風震霆久低昂吾鄉老詩伯

謝四與

翁追逐雲龍翔翁年視我丈人行愛我贈我新篋管堅柯鏗  
鏗裂地極古色慘慘愁天皇五月酷熱宣南坊驚起夜坐風  
繞廊蓬萊道山天茫茫落葉一散可憐傷潘侯與我同郎當  
翁亦望雲思章江都門痛哭一揮手至今班班之淚畱縹緲  
蒼梧泱泱九疑長望而不見心徬徨嗚乎此才乃得中書郎  
人間蕭艾徒芬芳

長歌贈吳稼軒孝廉

九河莽莽沙入天黑風不鎖高陽關二更城門半扃戾西南  
墨雲大於馬急雷推雨渡滹沱九十九淀飛白波巾車迢迢  
夜柰何我時擁轡君高歌斜月青燐下交河曉來鞍馬俱委  
通父詩存

卷之一

六

蛇當時被放四千人潘侯師弟情最親歸來萬事如轉輪聞  
君南游江之濱石城楊柳天門月往往哀唵感鬼神雨雪慘

慘愁蕭晨蹇驢訪子黃河津尙書丹旆來悲歌動行塵

汪與泉尙

書輿輓歸里貧不能達稼軒經紀之官高何足羨不得歸荆榛千金脫手贈感

子意氣眞漁溝曉起踐霜月角城鼓角悲寒雲惡懷正賴絲  
竹寫發興那愁兒輩聞夜深寘酒河橋驛美人如花捲簾出

琵琶聲疾酒杯寬醉搗寒梅上高壁南雲北雁交參差燈火  
如山又一時我方走馬韓山睡君亦載酒行從師潘侯潘侯

絕世姿愛我不管瓊與瑰南行見汝鑿江涓試將客舍王郎

曲譜入屯田柳七詞

明大內蟋蟀歌

余在京師於故人王考功宅見故明宮甍莖色瑩粹  
雜續花草細絕生動中爲穿孔四達或謂後宮以螿  
階砌養蟋蟀之用此戲宣宗時尤盛藝質厚潔亦非  
他窳所及烏乎宣皇仁厚恭儉號稱聖明猶未免此  
山齋少事聊復賦之

祭酒昔賦蟋蟀盆今我重歌蟋蟀甌昇平樂事耿在眼披掌  
古物生寒烟甌長九寸闕減半廉隅肉好觚稜全小孔穿風  
黑黝黝研光暝月寒娟娟秋花的皜了可數款式恐自宣皇  
傳永洪之後久清晏內庭進講幽風篇齋宮茅茨邁皇古瓜  
瓠雜植東西軒宣宗於東苑起一草舍雜  
植瓜瓠之屬引問臣游賞臣榮臣溥臣原吉  
賡歌再拜軒羲前豈有至人亦玩物金盆玉合紛連蜷黃門

通父詩存

卷之一

七

分道中旨出豆棚瓜架江南天蘇州太守下火牒捉生小兒  
爭金錢銀鞍寶馬惜不得雕籠萬箇來幽燕楊公不語夏公  
默嶽忽已過中興年雨淋日炙三百載往往棄擲當街屢長  
安萬事貴新異鷄缸雀瓦同登筵飄苗墮溷亦偶爾金牀玉  
几悲茫然太平君子重小恙江河不絕由涓涓君不見武林  
門外秋風裏葛嶺荒寒何處邊

憶長安舊游

金海橋頭柳萬絲浴鳧飛鷺晚參差空吟太液滄波起不見  
么荷出水時

新蒲古栢禁垣斜水殿春深待翠華不惜一鞭江海去瀛臺  
南畔數宮鴉

左掖門邊垂柳枝金河橋上影離離晚來風起千官散正是  
宮鶯欲下時

射苑平臨小殿開

先皇閱武在層臺虎頭燕頷人何在

望斷秦雲去不迴

徐建安開業進士第一人卒於潼關參將

仁宗時武

後門烟月相公家萬卷琳瑯擁碧紗誰道清時真御史自攜

鴉嘴撥園花

汪幼清給諫報源時李芝齡方居總憲以中表迴避

風流少宰典朝衣鎖院春濃晝漏稀一笑河陽花縣尹衆中

親捉叵羅歸

芝齡少宰招飲酒器甚佳四農捉其一登車遽去

吏部清貧老更狂秦馱漢瓦聚東廂不知俸米今餘幾買研

明朝典鸚鵡

王慈兩考功性嗜研翁學士所藏皆歸其家有九十六研齋

江亭結客氣如雷綺席雕筵次第開四十二人如雨散眼中

通父詩存

卷之一

丈

誰是不凡才

酒樓高敞傍仙寰虎觀龍亭指顧間誰識青袍一年少滿斟

金爵看西山

宮樹濃陰拂講臺澄懷園是小蓬萊分明夢裏念念到眼看

羣仙渡海來

徐辛庵師入直上書房因移居澄懷園中招余課其諸公子辭焉

南海黃香老謫仙短衣匹馬氣幽燕僧樓一醉西風急吹上

潮陽萬里船

黃香鐵劍就官潮州廣文

戎馬書生黑鼠裘湘簾槩几小山樓五湖一舸衝風去知在

湖州定嶼州

徐子容少府廣緒

千金肯賣數竿竹萬里爭求尺璧書老可風流獨不見滿船

晴雪上匡廬

郭羽可舍人僕書

鸚綠猩紅到眼明  
草橋風物可憐生  
寒燈臥聽蕭蕭竹  
猶作新荷驟雨聲

烟樹依依隱塞垣  
鳴駝催日下黃昏  
毘盧閣上邊風緊  
一傍寒雲望薊門

相國荒莊綠草蕪  
祝家園裏長蒲孤  
旗亭酒幔都蕭索  
誰與斜陽弔曼殊

沈水簾櫳出翠蛾  
金鴉樓閣月橫波  
櫻桃斜畔春星落  
一曲淋鈴奈爾何

江湖老我可閒行  
忽夢搖鞭出鳳城  
絕憶西堤好風日  
乳茶桐酒過清明

哭王慈雨

通父詩存

卷之一

九

七載欣初見春風紫陌長  
到門驚跣足拜嫂喜升堂  
射圃臨街小宮雲覆苑香呼兒旋解榻  
秉燭坐相忘

洗沐春多暇聯吟坐一車  
暖風溫室樹小雨帝城花解楔  
西隄水停鞭上相家歸看馳道直  
宮日每低斜

不第自當去將歸期屢更疾  
風吹大道雙淚出京城書切仍  
追寄心孤且暮征桑乾千里水  
鳴咽作離聲

隔歲無消息離居信渺躑殘春  
逢合弟落月上長安客路千垂柳  
鄉書一去鞍人門翻痛絕惻愴裂  
心肝

舊宅歸鄰好遺書散友生羣  
公都一哭孤櫬暮南行屢厄津  
門險愁逢橫海兵於娉出京邑  
辛苦過任城

水驛仍遷次孤兒更遠游  
亂山趨上黨赤日度遼州  
葛幘交



情見麻鞋踵血流誰將故人子重爲彥升謀  
猿鳥悲吟處山城始哭君喪車果魏我昔夢尙紛紜墮地餘  
孤劍招空有斷雲傷心千萬語冥漠幾回聞  
相向但泥首諸雛忍更看長塗毛骨瘦清吏子孫寒舊業推  
羣季全家累一官如何勤教育不獨爲艱難  
風義兼師友平生復幾人每思營葬地長歎負恩身事業終  
何濟文章或有神孟公遺集在嗚咽涕沾巾

通父詩存

卷之一

三

通父詩存卷之二

荏平作 戊戌

馬生起徒步雅志輕王侯抗論萬乘前許身伊與周嬰裏千  
金蹄風塵不可畱當其逆旅中獨酌無人疇長嘯梁甫唵流  
盼觀九州士也不逢時浩歌天爲愁荏平漢縣古萬家聞清  
謳朱繩提玉瓶翠裏持金甌當驩不能酌皓月橫天流攬轡  
復中野風霜增百憂

贈張亨父同年

宣武坊南路比鄰似一家深談交涕淚小飲敵風沙樹隱千  
門月霜低九陌花莫尋騶卒語游騎滿京華

贈澎湖蔡廷蘭孝廉

蔡常帆海遇  
風至安南

通父詩存

卷之二

一

溟海崩騰際餘生頃刻間鯨呿全裂地鰲斷忽逢山草樹分  
諸島文章落百蠻不緣抱忠信萬里許孤還  
未滿乘風志單車天上來羣公方相馬無地與登臺並世萍  
蓬合中原塵土哀南歸語蛟蜃東望乃蓬萊

長歌送亨父之武昌兼呈林少穆制府

張侯文章何卓犖氣壓華嵩極寥廓十年去住幾浮雲四海  
飄零一孤鶴前年別我遊廬山奮身九疊雲錦問南昌太守  
招不還仙霞東望青巘屹翩如倦鳥投林烟榻來詞賦同燕  
關燕關酒客多如雨南城游騎交衢舞龍泉寺裏幾樹花暎  
天十丈嬌紅霞高僧不歸仙鹿死惟有詩客來咨嗟詩客相  
逢總搖落雕盤綺席難斟酌西山落月半城樓櫻桃斜畔春

星幽停尊下馬催清謳銅龍咽水千花愁酒亦不能醉客亦  
不能留浮邱仙人邀君住呼我同看城南樹山莊水木湛清  
華乃是詩人斷腸處

尺五山莊園  
主人葬焉

蘆芽掩水風蕭蕭斷橋朽

柱迴廊腰君醉欲哭我欲笑誰見女蘿山鬼心飄搖明日重  
來更何有下馬立盡旂亭酒當筵未贈豐臺花飛塵已滅黃  
村柳易陽門外波連天君家阿兄來周旋小館燈昏各無語  
使我鄉思同茫然鄉思茫茫萬山阻一尊送汝下南楚西樓  
黃鶴已無情何處江山弔黃祖武昌大帥賢且才盼汝欲使  
青雲開飯汝青玉案酌汝黃金壘世間知己亦易得如此傾  
倒知誰哉我將南歸淮水涯石田茆屋生蒼苔亦知文章動  
卿相且將名字雜蒿萊聞君更欲渡瓊海天南姚合遙相待

通父詩存

卷之二

二

姚石父  
廉訪

萬里風帆一鳥飛坐令青鬢繁霜改繁霜青鬢兩酸

嘶炎天朔雪知何時迴看去國塵千里苦憶臨風篋一枝

次亨父河間題壁韻

仙人高駐圭峯頂臥聽龍潭百尺流忽憶蓬萊幾清淺便持  
寶劍任敖游白雲一散燕山晚黃鶴重來漢渚秋若念淮南  
舊松桂他時迴馭海西頭

亨父用前韻復贈再次其韻

明過東郡趨淇口便渡蘭陽下汴流宛葉青山非舊俗漢襄  
紅樹記前游中原龍鳳誰同調南國荃蘅獨感秋何似歸尋  
洞庭水誅茆好種橋千頭

閏四月十八日袁江道中念亨父今日當至樊口馬上

慨然爲詩

送汝東昌匹馬行計程今日定樊城三更夢裏齊山淚一棹  
燈前漢水聲短髮江湖悲世事望門親舊見人情隆中自古  
高唵地我欲攜家從耦耕

袁江遇江龍門歸桐城

君自岱宗來決背開天鵬昂首雲澗外扶桑落襟肘茫茫九  
宇窄隆隆坤軸厚俛仰七十年代雄詞振瓊玖南望蒼梧綠驅  
車遵海右蕭條秦東門殘碑失蚪蚪遲迴渡黃河握手驚解  
荇上聞大鴻臚新章動星斗海內三十年靡風積昏垢君文  
關運會假手告君后少展濟時略得辭寒儒醜復聞徐孝穆  
奄忽棄尊卣此才極淳懿問年匪耆耆文章等飄風誰能金  
通父詩存

卷之二

三

石壽嗟我別京師六旬忽已久近思七閩客遠念五羊叟

黃香

鐵傷心燕市游淒涼散屠狗驚雷震華屋檐雨注清瀏洵洵  
榱桷動勢與洪濤走開懷掩潛涕迴懼命厄酒頗思皖伯國  
龍眠好邱阜六月大江流扁舟繫沙柳暫爲歸林人誰畱活  
國手春明始重來此邦多良友終期雲龍合膚寸徧九有不  
見日觀峯白雲重回首

贈王郎

考功子

雛鳳無凡毛新桐無庫枝由來汗血駒隨地能橫馳十年在  
故鄉十年在京師看汝日長大紫氣騰雙眉去歲晉陽游老  
母紛涕洟六月登太行赤足血淋漓貴交何足恃痛哭黃河  
涓歸來百無有城腳團苒舊書堆滿床兄弟相嚶吟我時

在京華騎驢心悲摧落日過君廬但見烏雅飛汝來今何爲  
未語神先悲看汝面色瘦得非中寒飢雖無舊業存辛賴諸  
父慈努力振門戶男兒羞高貴空山風雪多側仵凌霜姿

秋雨雜詩八首

秋霖無定端颯沓凌晨來戎戎帷幕暗瀟瀟樑棟哀淒禽共  
別葉千里紛紛埃頗似風波民接館栖寒衣驅黜晝欺人蚊  
蚋薨成雷身上寒女衣淋漓生青苔夜深大蛇出蜿蜒當中  
階畏此不敢行拔劍心裏哀憂端如黃河橫決隨巔崖河流  
尙可塞重陰無由開

少小謬識字不習把鉏犁筋肉日緩散文弱同嬰倪三十上  
春官再上迷丹梯摧頽八荒志低首就轅軻蒼涼海上田老  
通父詩存

卷之二

四

兄躬耕之無人共力作蕪漫爲荒蹊秋雨洒牛欄晚豆花已  
萋努力同一苦猶勝羈四蹄築場或不任庶驅雀與鷄

人生太古來有如沙填河袞袞赴狂瀾死者亦何多青歲微  
逐人各已歸遂科將軍沒關西考功棄京華寂寂張處士有  
子今荷蓑嗚呼萬夫姿中壽一鳥過秋燈洗孤劍夜雨天滂  
沱向來蒿里詩恐是勞人歌高齋白楊枝百歲當如何

洪湖阻我西巨海迴我東亂流趨我南大河北來同萬派一  
源困灌輸始有終如何九土士散落紛驚鴻向者升天行叱  
吒雙飛龍卿雲九光姿炳燭三垣宮密雨不須臾化爲茫茫  
風安期頭已白玉女顏非紅或傳元圃窟下與東瀛通赤鯉  
期不來青鳥爾何功臨流竝天末隻影愁蒼穹

朝雨不出門暮雨復歎息雨中十萬家百態分苦逸輿夫泥  
沒鄰貴官衝雨出貧女愁唧唧妖女倚清瑟請言倚瑟女金  
璫晃雲日一帷五萬餘一衾十萬值貴官分所宜賤女爾何  
職不見窮巷士柴茅啜幽泣

幽蘭挺纖質實惟閩產良夏華解煩煩毒秋華瑩蒼植之赤  
蕤盆貢君白玉堂涼秋疏雨來露穎含低昂昔爲窮士娛今  
爲貴者芳宛彼空谷姿德衰違其常傾心託微風牆高不可  
當側想故園菊已隨秋草黃古來重同根惻惻憂風霜

秋蚓蟠深泥不識青天高偶因龍雨升夢夢徧九霄一擲下  
土中瞑目成黏膠永隨糞壤朽無復螻蛄號風雷不易憑鱗  
甲傷爾曹蒼蠅致千里井蛙東西跳爲語草間螢深夜無游  
通父詩存 卷之二 五

長安春雨時天街淨可掃暮集韋孔廬晨出直門道關車層  
城風嚼馬瀛洲草淡淡昆明波氣與天河杳太行五色雲輪  
囷落懷抱歸尋潘張輩金石斂幽窟衷中西京作大字日晶  
晶自視一日間聲華動八表側搶垂天翼闔寂投林鳥紅芳  
捐令節枯荷覆幽沼空館數風潮青燈黯愁曉

得林少穆制府書知亨父于役襄陽將返閩中且爲海

外之游憶之作詩

武昌開府寄雙魚間道張融未定居暫向隆中尋大隱還歸  
海表問先廬九霄鸞鶴迴孤嶼萬里滄溟接使車  
時姚石甫  
廉訪臺灣  
遙見東南客星在青天一髮到夫餘

送稼軒入都 庚子

黃塵滿馬齊西道碧水連雲趙北陂朔雪山風騰虎氣春沽  
茅屋隱蛾眉江湖寂寞雙垂涕廬旅荒寒一繫思知汝聞鷄  
愁不寐籠燈照我去年詩

宣南邸閣對西山佳氣常浮几案閒夜擁千巒揮彩筆朝看

一老臥蒼顏文章師友影零盡歌管風花次第閒幾樹右安

門外柳春來金縷爲誰攀 往與潘吳同居孔刑部宣武邸寓  
都人謂文章交游之盛無逾此時

比出都孔刑部韋駕部置酒餘芳亭折  
柳攀條泫然涕下詩中一老謂潘丈也

苦思泥飲韋兵部不見憐才黃侍郎故舊風流餘繾綣大都

文物極雄蒼行廚古剎仙泉淥委佩江亭碧草芳更道浮邱

不可接黃雲白浪滿瀟湘 黃侍郎謂衙齋浮邱  
謂湯儀部海秋也

通父詩存 卷之二 六

張郎揮手武昌樓萬里茫茫大海游天下奇觀原絕域古來

春色自 皇州長鏡橡栗千篇淚斜市櫻桃一夕愁騎馬花

時韋杜曲因風道我雪盈頭

得稼軒京師書重寄

憶汝宣南寺山僧與誦經階花連禁雪窗樹繞宮星舊雨隨

年散殘尊帶淚醒不須悲宿草故國已青青

太行一片月不到楚江頭獨有何哉淚南隨海水流長風送

消息小市閉清愁莫唱陽關曲寒雲滿薊州

太息張亨父青霄一鶴飛如何武昌去不見 帝城歸滄海

無舟楫中原有渴飢頻嗟老開府辛苦破重圍

聞道關西使中途拜表行 海秋奉使關西  
中途奉諱歸 萬山爲位哭故國

戴星征忠孝難方始功名老漸輕傷心各嗚咽並入暮江聲  
西便門前路楊花與暮烟月壇春寂寂馳道草絲絲寶帶宮  
門酒銀豪馬上篇玉泉游賞地春水一茫然

象教西天遠龍庭北府寒 聖恩思駕馭此輩盡衣冠賄贈  
勞中使珍奇賜太官如聞 皇祖訓畱與萬方看 西僧若  
布遵丹

巴呼圖克圖入觀 天恩優渥蓋欲以鎮撫諸  
蕃與前世崇奉西法則有間矣來書語及故云

西洛冠裳會南皮賞讖同朝賢盡壇坫海內必英雄一散江  
亭雨三年東寺風白雲春萬里側仁看歸鴻

客思

客思自多感商聲忍獨聞山蟬知向暮秋雨不隨雲蟹蛤江  
南地魚龍海上軍中原徵調盡攬涕望妖氛

通文詩存 卷之二

七

觀彭城兵赴吳淞防海

樓船下洪河六月大興師往問主將誰南征行備夷舟山不  
復守乍浦勢尤危吳淞控大江東南纏地維守險可百勝嚴  
師固藩籬中樞下火符副相總戎麾海疆八千里腹背聯絡  
之側聞蛟門軍半是吳中見此輩市菜傭臨難心然疑楚兵  
氣精銳彪彪千熊羆百年養汝曹危急安足辭獵獵大旆風  
沈沈淮流馳彎弓指東溟不得中顧私莫畏統御嚴中丞有  
母慈行矣謝送徒報國方在茲

金山寺

維舟瓜步城解纜金山下望巖俯要津豈有避世者登頓少  
盤陔水樹漸瀟灑秋色絢長林朝陽浮萬瓦 龍馭六十年



寢殿落梧檟金闕芬榛蕪僧紫煥丹赭曼來步江樓清淚臨  
風瀉永望海門軍戈船去如馬

北固山

蕭公北顧地宮觀何槃槃綠巖不數轉已涉浮雲顛白日動  
大江怒龍迴其濶慨焉 聖祖初鯨豕屢洞旋至今戰死血  
漉漉波吞天山南列戍守旌旗晚翩翩戰馬浮深池奔突超  
風烟何況築城卒晝作夜不閒築城不須高戍卒未盈千所  
恃在天險睥睨層厓間晚登多景樓士女紛喧闐晏游集清  
興撫事深憂煎人生戎馬際慘戚周朱顏

游焦山作

丁酉秋潘丈四農毛君生甫姚公石甫同游茲山都

通父詩存

卷之二

八

已有詩石刻尙存觀其激遠灑滌雄桀並出自有茲  
山惟斯文在爾來潘丈死姚公奉 命海外毛生亦  
老病余獨後至三復泣下山方崩阨又毀於兵歎日  
月之輪馳盛衰之感抑有不盡者也

江聲西津來鬱怒不可當連峯犯驚濤勢與蛟龍翔茲山氣  
鴻濛松栝樛虬蒼深根穴地極幽阻窺天光天光漏雲日曩  
棟開八荒北風鵝鶴聲清落吳天長坐使枯槁懷百動相雷  
碩湍壁慄我魄神定色不僵終媿呂梁人披髮游滄浪

臨流去何之登頓阻不前中峯萬丈石奮落如下天立神盡  
摧糜欄楯森鉤連輦路壞嵯峨金碧紛委闡山川久奠定感  
召誰使然東南正格鬪流血海水邊魍魎纏清秋義和不可

鞅憶昨甘露遊遂試中泠泉三山同日圮毋迺五行魯感時  
氣崢嶸念國心憂煎安能從焦生寂寂荒巖間

昔遊有三士氣與雲天香潘侯既下世毛生色枯槁觥觥姚  
使君麾節領絕島冠裳聚山澤文章動霞表大字龍虎姿磨  
崖風浩浩尊前幾浮雲海內一孤鳥痛哭九原人沈薶不復  
曉願惟靈蹟存作鎮茲山寶誰能領東海一洗憂心瘳

海門東山東負絕阻巖幽入門淒有聲風竹何修修竹間墓  
履蹟潘吳昔同遊捫崖辨姓名浩石青已秋自從軍馬來殿  
蕩爲荒邱守卒數百人解甲酣嬉游禦寇當禦門絡馬先絡  
頭如何勝鼙鼓日夜驚沙鷗

題元潁川王父子清秋迴獵圖

通父詩存

卷之二

潁川王察罕帖木兒既死立其甥王保保爲嗣是爲  
擴廓帖木兒明太祖定中原擴廓走和林屢侵北邊  
雖以中山十五萬之衆而不能挫所稱天下奇男子  
也擴廓死妻毛氏從之別一妾攜幼子帆海世居崇  
川王衣冠墓在焉裔孫保君大章出此圖二胡奴前  
導擴廓繼之察罕居最後女奴戎服幞首雲髻儼  
然虬髯騎而從蓋王家姬也此事元明兩史不載然  
其家乘如此感王父子英武偉畧樂附於篇云

君不見潁川父子兵馬雄廓清河洛空出東義旗一指羣盜  
縛電掃六合如飛蓬北塞太行西嶠漳嶠嘔百戰摧堅鋒推  
心置腹亦大度遺恨不獨誅田豐李羅思齊皆乳革羣孤鎮

惡誰能容中朝水火日尋燬長城自壞天無功王昔建義聲  
轟轟汝穎子弟來相從錦袍玉帶照原野小隊結束明刀弓  
白日慘慘天雨楓馬矢燒徹山爲紅可憐狐兔獵欲盡至尊  
不在瑯華宮天魔舞罷鳴鳴風真人濠泗占飛龍黃河一木  
可徑渡十五萬衆徒恩恩是父是子英烈同金華史筆存至  
公崇川墓草秋蕭瑟萬里和林一望中

題路文貞公遺集

赤縣橫流日黃扉飲恨年防河空割地蹈海已無天詩草畱  
蠻服公在嶺表有非詩草一卷荷花落墓田祠在封山前臨太湖荷花數十里蘋繁何處

薦欲上洞庭船

讀史雜感五首

通父詩存

卷之二

十一

鐵艦雲飄滿上游建牙吹角動高秋三千組練戩犀弩一夜  
風烟散火牛絕域威名驚小范中朝黨論送維州虎門鷺巖  
孤懸地坐甲從容待運籌

立仗蕭蕭老驢驢忽聞鳴鳳在朝陽空傳 天語褒殊錫無

復 廷爭守 御牀戰鼓悲涼旄節落星軺留滯海城荒長

沙稍喜能流涕寂寞青蒲望報章

條支萬國大荒西職貢經年道不迷旅拒公然爭互市 廟

謨終與講招攜大軍解甲供牢禮小縣徵丁習鼓鼙 聖世

只須勤內治旋教瀛海盡航梯

征蠻部曲數楊羅今日誰當馬伏波楚國三男生絕小將軍  
十萬辦原多奇謀競搏中行說猛士爭求曳落河幕府紛紛

滿朝傑急應親奮魯陽戈

關山關外見旌旗鐵瓮城頭戍鼓悲夜色橫江狐吹火軍聲  
滿地鵲移枝中原徵調空千里北固登臨又一時獨倚蒼茫  
看海色樓船如馬日東馳

重有感 辛丑

清酒黃龍約屢譌珠江瘴海日橫戈全開門戶容蛇豕漫握  
鞘鈴布鶴鷄燕將不聞誅騎切趙人猶是愛廉頗征南部曲  
淒涼在忍聽臨江節士歌

披髮何人訴上蒼孤舟百戰久低昂前軍力盡宵泗水幕府  
謀深坐裏糧握節魂歸雲冉冉颺交風疾海茫茫神光金甲  
分明見喫血銜須下大荒

通父詩存

卷之二

七

張公苦意絕天驕忽報呼韓款 聖朝便遣頻陽老王翦豈

宜絕域棄班超跼蒿事業心紆折射虎河山氣寂寥珍重玉  
關天萬里西風大樹日蕭蕭

白哲通侯畫戟雄黃扉假節黑頭公銀槍世領親軍使鐵券  
家傳汗馬功弓矢臨邊恩數異金繪誤國古今同如何更賣  
盧龍塞從此東南鑱鑰空

五羊城外趙陀營百處風聲草木驚仗鉞將軍喧就逮秉鞭  
王子靜專征嶠頭妙選千金士虎節新徵十道兵見說珠崖  
近乘勝前驅幾日斬長鯨

龍領弓高拜故侯羽林精銳下黃頭料兵荆楚遙傳箭輓粟  
洪饒急唱籌江轉千盤連鐵索山圍五管似金甌英謀老算

今何在一夕烽烟滿目愁

吉網羅鉗事有無金鷄纜下痛慈烏關中儲侍思劉晏塞上  
風雲避郅都麻經臨戎天慘澹千將出匣氣槃紆斬蛟殺虎  
威名在祇待從容展壯圖

南州使者建雙旌萬里相呼載酒行本以文章期報國翻令  
書劍學從征倉皇發策丹心炯慷慨登陣白髮生草檄飛書  
枚乘事獨能無意向功名

單地山師視學粵東凡三書召與  
同行以親老辭先生後以失職長

歸假

### 苦憶

苦憶西川楊少保十年長劍倚崆峒河山信誓君臣契關洛  
旌麾父子同百戰威名資坐鎮三朝禮數絕諸公當時恩遇  
通父詩存

### 卷之二

七

兼終始不獨雲臺第一功

羅藝平生勇絕倫摧鋒陷陣必身親王侯將相甯有種磊落  
嶽崎可笑人蠻府千峯間坐嘯河源萬馬識歸塵征西宿將  
今餘幾悵望南天淚滿巾

### 送劉州丞赴皖

佐州非劇職取道及霜晨一舸兼天遠長江到日春水吞全  
楚盡山接太湖隣定有郊門候兒童意最眞

寰海仍防寇中原急點行誰將閭左戍暫緩壽陽兵地僻多  
虛警軍孤有怨聲憑君能坐嘯莫作近功名

萬里菖蒲海三秋瓠子宮鴻溝原向楚汜水失朝東澗泗紛  
紜裏荆涂悵望中所過殘井邑何以集哀鴻

烽成四十韻 壬寅

烽成八千里謳歌二百年山河環北極虹蜺互東天 廟算  
紆長策麾旄屬大賢亞夫堅走敵充國老屯田成敗歸時議  
衰榮與境遷老穰失當路俊鶻圻空拳蛟蜃樓臺黯龍蛇歲  
月纏雄藩深坐甲上相起行邊已寵軒墀鶴誰憐浪泊鷲和  
戎計翻覆 嚴謹意流連橫隴京東道梁溝洛北川雉垣危  
嶂嶼鱗崖激河澗使者中樞輟 溫綸閣下宣自天恩浩蕩  
奉 詔涕潺湲編管辭輸作芻蕘竊備員丁男大農籍竹埴  
水衡錢三尺梁園雪孤臣屬國氈脰毛銷毳輞心血漬烽烟  
賦土洪流奠回春霽景鮮雲中思魏尙楨上忽張騫白簡持  
朝論黃扉拱 御筵 聖懷虛擁護國是太周旋牛李同也  
通文詩存 卷之二 三

逐松維永棄捐費原匪馬邑功豈忘澶淵惻愴舒劉嘯蹉跎  
誤祖鞭羣公一揮手別淚洒河壘遠鐸聲悽咽嗚駝氣踟躕  
陽關風浩浩黑水夢濺濺路並陰山直沙盤大漠圓此生斷  
消息吾道屬屯漣寄憶清淮夜初迴下瀨船深談略年輩  
賞數詩篇置醴延中白馳書問草卒龍門終負李馬骨末歸  
燕字忍三年滅旌悲萬里懸黃雲遮不斷落日眼常穿塞迥  
稀逢雁春寒慎脫棉刃鏗愁滿月劍血澀飛泉縣寓仍防寇  
邊兵盡控弦誰傾西海水直爲洗戈鋌

崖州司戶行

君不見衛公矯矯人中龍秉鞭作鎮川西東豈已臥鼓兵馬  
雄二邊震聳趨華風蓬婆滴博爭來同一言不合奇章公顯

側朝局如飛蓬我欲登高望海水珠崖茫茫八千里手持湘  
竹杖涕淚垂不已古來萬事有如此君能斷鬣續柱正四極  
不能使馬頭生角烏頭白又能驅山走海障狂瀾不能使長  
虹貫日霜降天車師疏勒連于闐條枝更在西海邊馬嘶無  
草人無泉猱猱塞道蛇滿川劍牙丹口腥流涎行人十無一  
二全君獨何爲浩浩然叩天關震天鼓黃河經天卻東注白  
日照耀寒門苦不見崖州老司戶

三公篇

裕公致命死王公憂死東南岌岌劉公撐拄而已又  
抱病幾死懷賢憂國情見乎詞

故 欽差大臣兩江總督裕靖節公謙

通文詩存

卷之二

西

裕公忠臣後正氣何堂堂起家謝閎閣致 主繇文章東南

大藩地實領財賦疆士女饜笙竽溝洫流稻梁昏昏寶珠域  
僂僂歌舞場感歎風俗頹嫉邪森剛腸意待五蠹除坐使萬  
民康淳風未迴幹醜夷紛陸梁舟山棄其甲虎門嗟排牆流  
涕拜表行前驅心飛揚昔我有先臣戰血漂大荒 主憂臣  
則死投袂親戎行一呼百夫奮再呼千帆張流沫誓三軍天  
水久低昂斥堠日謹嚴間諜亦有方捉鬼剝其皮斷筋續馬  
羸羣鬼哭澈天海水爲沸湯初攻昌國城三帥同時戢再戰  
招寶山軍門氣凋傷公時秉鞭出下馬頰宮旁豐碑摩日月  
大字標流芳永痛誠勇公血淚終承睚軍門單馬來登城語  
倉皇揮手謝軍門百口不得將君與此賊生我與此城亡嗚

乎異靈姿鐵立色不僵 皇情久震悼羣議猶披猖安得傳  
此詞稽首陳太常

贈太子大師大學士王文恪公鼎

皇朝二百載養士餘幾人大哉蒲城公隻手迴天鈞立朝重  
山岳上殿驚星辰當時中書筆肺附專經綸雖無伴食嫌終  
謝幃幄親賴其樸誠極每叨 恩遇頻嶺海有棄甲梁宋無  
安鱗中原千里土化爲荆與榛被 命紫閣下持節黃河津  
道逢侯官公荷甬來天垠僦屋風雨夕露立冰雪晨司空三  
尺籍水衡百萬縉銖兩慎支劉尺寸籌菱薪嗚乎兩賢績萬  
古雷河滬公功未克救侯官出玉門是時龍蛇鬥虹蜺遶城  
闕歸朝奏事畢廷對升 紫宸流涕守 御床 聖意久遂  
通父詩存 卷之二 五

浙江巡撫劉公韻珂

巡古來格天業結念期精真齋戒坐小閣萬言倏然伸一請  
罪大帥再請責樞臣語多氣激烈反側聲酸吞蕭蕭起草亭  
耿耿燈火昏一死豈溝瀆雷感 天聽尊 天尊聽斯卑公  
死無兒孫哀賻何足榮所貴公論存觥觥史鱗節精白無淄  
磷我欲賦大招雷電交天闕剖心告百爾此義難重陳

中丞齊魯士屹立氣嶄絕臥病臨安城千里固積錢重值雨  
東敗置圍日飈颯元帥天上來驕盛貴莫匹所將多禁卒虎  
皮冒羊質動止須關白豈得無肘掣義律固詭譎僕鼎尤忤  
惚乍浦逮餘姚千颿常賊振砲火灑空來晴天黯飛血義勇  
先倒戈大將莽奔蹙關隘歛不閉公怒目皆裂抽刀斷江流



分寸不得越氣阻昌國濤令肅錢塘月大義責主帥小心詰  
奸黠聞范破膽寒撼岳力阻折以茲西湖波晴光蕩城闕每  
恨貪功徒上章苦論列 宸聰頗虛納物議堅莫奪 嚴譴  
兩依違公論未昭雪伊昔侯官公謫戍事倉卒蕭條行李來  
握手兩絕訣解贈五百金箱篋立空竭金甌正完固寶劍豈  
折缺反念玉關人萬里犯炎熱隕涕下黃河到海聲幽咽去  
住兩忠賢夢魂永切怛

投贈東阿周制府四十韻周方乞假歸宿州

憲皇振天綱六合一開霽田李擁旌節傅鄂管朝議惟時正  
恬熙擺蕩羣蒙叢擊伐厲衰俗縉覈肅吏治爾來又百年休  
養劇汪濊地大物斯衆仁至致者義不無雷霆威一震噴聾  
通父詩存 卷之二 三

世東阿起州郡慘淡厲鋒氣視漕淮楚來青天散魍魅滔滔

江漢流莽莽蠻獠裔移節大賢後

謂林侯官

坐鎮羣僚際嫉惡秉

鷹鷂守節匪毛鷲參佐竊威福彈劾起文字古來大臣體不

辱刀筆吏蒼纓造請室慷慨自引對傷心投荒年慈暉虞淵

逝國法嚴程期逋臣痛含縫白日照精誠 天恩許下淚嶺

嶠水羣飛鯨鯨毒相噬荷戈憤所切金革義毋避麻衣赴萬

里草舍辭一涕生當縛鬼章死願填精衛密陳攻守機指畫

營壘勢未咎中行背已變司徒幟醜虜再翻覆吳楚勢旒綴

將軍三死綏主帥九遷次京口天下雄行省財賦地江山大

焚獵草木亂驚沸敗聞 天顏震切責衆心慄馬角一朝還

金鷄九天唳百谷復潰溢二儀激澎湃誓許金縉和急通揚

粵稅許公論便宜仗公爲屏蔽王愼小救謚親恩愴迢遰上  
書北闕下歸守東山第墳土渴營建宗社永懷繫焉知局促  
徒猶刃睚眦忌四海厭瘡痍孤忠老顛顛默想雍乾年思與  
數公濟赫赫 皇祖烈盪滌大無外

檢篋中得嶺南黃廣文 閩中張同年 際亮 手札

自枉書辭皆三數年缺未酬報昔與二子居長安時  
士大夫以文章聲氣折節四方之士南城讎游之樂  
高軒飛蓋華筵雕席殆無虛日今風塵曼迫行老死  
邱壑間茫然援筆不復點次

昔在長安日朝野多驩娛上計四千人被褐懷璫璵爾時振

宗風實惟大鴻臚 黃侍郎 徐編修 鴻臚 寶善 葉紹本 氣誼古黃 琮 編修 陳

通父詩存 卷之二 七

侍御 慶鏞才藻舒折節盡下士冠蓋紛九衢江亭指西山秀色春

縈紆隆隆翠織幃皎皎白雪駒雕筵值十金展席俯闈闢奇  
文夏璆瑯天風吹明珠黃子起嶺南張生來東隅肝膽照白

日翱翔驕上都談笑杯酒間千載一斯須 聖人坐齋宮寰

海氣專腴月竈速日出琛賚連舟車言語則侏儻漸染知詩

書上國求文章諸君皆鳳雛捆載滿歸橐椎髻相懽呼姓名

動四夷豈獨隘八區摧積壯事去宋莫青歲徂猶及太平年

長嘯歸樵漁風颺忽振駭邊徼日凋枯嶠嘔兵火間誰復安

田廬 朝廷注東南親賢仗馳驅亦有同志人變化隨龍魚

亂離文雅賤歌哭身世殊高秋數晨星少微光有無聚散一

桃梗尙想歌黃虞不見太行山佳氣飛蓬壺

憶焦山

三年不到松寥閣一飯遙思枯木堂  
遲日魚龍仍滲澗中流  
栢柏自青蒼兩餘舊壘危石亂後殘僧聚夕陽  
惟有上方鐘磬響江風海月共雷轟

憶金山

雲中笙鶴擁旌幢不信天魔舞未降  
六騎登山晨拜廟一舟載索夜量江  
得人未覺金甌缺失策眞宜玉斗撞  
攪亂中冷泉下水腥羶日夜洗奔瀧

黃通守席上喜晤蔡少府卽事有作

驚飈駕長淮五月氣淒厲時艱情懽娛  
主客千里至蔡侯歷下彥骨氣聳精銳  
治譜夙曉達兵法吐滂沛前年隨上將  
拔通父詩存

卷之二

六

劍鞘攬萼蒼茫鬪將日忱慨論兵地到今  
廣州敗激昂滿襟淚計策獻不收功名從  
所棄橫腰三尺鐵中宵自磨礪震海滿謳歌  
壯士默歔歔藉問今何官營造繕軍器洗濯  
六州鐵斟酌百工儼看子鍊心兵辛苦穿冥契  
聖訓重不虞此物豈管試側聞太常卿入告動  
天意行當佐及旰不獨走魍魅須爲杜武庫  
勿隨寶車騎談深酒杯闌座促鑪鼎沸放浪  
客途狂鳴咽歌喉細萬國尙防戎百年苦雷  
滯常恐相見時非復平生志夜闌披心肝欲  
起重牽曳當懼暫開顏問事終裂眦明發渡  
洪河孤雲渺天際

河決後填淤肥美友人藉資爲買田宅夏日遣奴子往

視黍豆歸報有作

寶劍不下壁妻孥使人愁中歲忽無家出處長悠悠此邦人  
事熟亦有良田疇况多素心侶結念棲林邱百畝費百金感  
此友誼周去年金隄決鷄狗隨東流死爲沙與蟲生爲鵠與  
鳩哀號市田宅黠者仍掉頭安知吾子孫異日免此不春風  
裂厚土吹杳空鬪體久行無人烟林燕聲嗷啁不耕亦已種  
黍菽何油油常恐秋水溢覆轍追前軻蕭條江南東戰地無  
人收夷虜尙翻覆兵食勞前籌艱難愧一飽鬱結懷九州大  
哉生民初粒食誰與謀

客居

趨涂慎一決知者識其端如何百年內雲雷長盤桓踰處苦  
悽威飛鳴無羽翰窮年坐突兀刺促摧朱顏非無壯士姿撫  
通父詩存

卷之一

九

劍攄心肝出門浩浩茫茫嗚乎行路難且復就良友誅莠求田  
園傍屋卽僧家無僧有梅檀小松三五株嫩竹數十竿噲噉  
鐘鼓聲亦來衾枕間初意薨棲泊忽踰三暑寒人生寄所適  
寂寂竟何言

題周侍御宣府課經圖

雁山東斷五臺起太行龍脈趨遼水宣府一城控燕雲十萬  
邊兵敢傍此昔時重鎮擁貔貅今日師儒盛文史侍御白面  
書生耳琴劍漂零萬山底邊女生小掣駱駝邊兒十歲能弓  
矢馬邑名豪捧雉羔雲中太守供祿米伊昔長安花滿天君  
家兄弟俱少年風流二到南朝彥名字雙丁鄴下傳無端點  
染辭朝籍赤足茫茫踏沙磧九邊冰雪馬牛風三年月露關

山笛頭白歸來萬事空大梁風雨愁哀鴻

侍御弟編修恩霜  
綉沒於河南

溈北固寒沙水潮落西津感暮鐘江山萬里傳烽罷世事中  
宵涕泗同重來訪我淮西路僧房葉落鴉啼樹劇談卻意漠  
南天白草黃雲射雕處玉關生入又頻仍師友中年感慨新  
更將磊落峭嶽意慰爾東西南北人

### 送邵生東歸

亢歲萎條柯衰世貧高門子家千戶貴椒落如飛塵昔遊具  
鈞駟今來乘獨輪衆中一顧步意氣高千春典衣市金石夏  
釜無炊薪何知無炊薪子有七尺身文章未閱實已見江海  
奔鳳雛踞九天困此竹石根惻愴吳粵郊烈火燔空村萬事  
合變化身外安足存子歸但鍵關吾亦誓墓人詩成或寡和  
通父詩存

### 卷之二

三

載酒來相親

### 東澗歌送嚴生

東澗澗東流沄沄五十里君家第幾橋結屋照澗水春風入  
我廬就我吳城居我居雙樹間日夕聞齋魚齋魚聲了了落  
葉僧房早夜來風雪寒枯燈映窗小燈火思依依風雪送君  
歸人生有家室安得苦離違明發渡河去河水冰上渡離人  
沙岸風歸鞭郡城城頭亂樓鴉夜航君到家扣門東橋月  
已向吳城斜勸君吳城酒藉問東橋柳橋頭木杲軒淒涼今  
在否淒涼當奈何送君東澗歌春明若相憶因書澗水波

### 聞張亨父卒於都門哭之有作

北馬南船萬里餘圭峯孤負好家居懷中漫滅狂生刺閣下

浮沈宰相書冷海乘桴空有願  
洞庭結屋竟何如  
平生風調  
凌雲去髮髯高冠切太虛

往事東南可涕流  
紛紛功罪付陽秋  
都門誰送楊  
臨賀下澤  
翻同馬少游  
不分玉關遮漢使  
卻教丹旆累歸舟  
龍眠風雪  
巴山雨生死  
知交一哭休

姚廉訪被逮入都將成伊江亭父從之遣歿於宜南之松筠庵廉訪

旋奉旨  
謫四川

升屋魂歸碧血祠  
傾都人看素冠  
隨釀金輦  
下衣衾  
易犯雪  
河梁祖道遲  
死託友朋  
君亦足書  
無日月  
我終疑桐棺  
萬里  
今何處旋望  
乾坤一淚垂

招魂何處慕山青  
第一江風海月亭  
落壁詩篇籠漉漫  
殘僧

燈火話晶熒  
卽看東海狂  
瀾水已悟  
西方止觀經  
華表山川

通父詩存

卷之二

三

渾未改松寥魚鼓可重聽

亭父舊讀書於焦山之松寥閣以名其集

十年踪跡共風烟  
幾日分攜遂渺縣  
公等皆生眞咄咄  
世人欲殺我拳拳  
仙霞海畔三千里  
杜曲城南尺五天  
折盡丹心無一寸  
徧題血淚叫重泉

得周侍御都中書及詩知歲晏仍有宣府之行期以來

秋南歸賦答二十四韻

牢落吳城雨淒涼  
燕客書中朝仍削迹  
絕塞更愁子日月  
羸冥外乾坤洗濯  
餘得歸欣解網  
將母自推車  
萬里侵華髮  
三年展敝廬  
故交多戰地  
骨肉且安居  
淮月沿孤棹  
河風送塞驢  
村沽連客到  
佛火點窗虛  
傍我能瀟灑  
登程獨歎噓  
中原憂灌莽  
時議急儲胥  
血頻東走鯨  
波向北吐沙  
飛潛鬼蜮

風煖避鷄鴉四海輸漿璫諸公曳珮珞人官卒已濫天府篋  
誰肱一例耐金矢千家掃地如更聞誅牛苛何補漏多魚大  
體終當惜羣言莫漫攄激昂呵壁淚冷落侍臣裾雪甕窮邊  
草霜酸學舍菹文章防貝錦身世病遷條喜結黃花約歸當  
白露初古人念蕤鱸吾道合耘耨試訪吳門卒重尋楚澤漁  
清通終 聖代泥飲共軒渠

通文詩存

卷之二

三

通父詩存卷之三

姚廉訪自海外被逮入都過南清河有缺將候旋奏

恩命謫宦四川欣慨交錯賦寄三章

甲辰

一片荷蘭土三年戰伐塵上功原幕府寬政出 恩綸大海  
孤忠在皇天老眼新從來矜晚節不獨報恩身

四海窮張儉

謂亨父

何人惜禰衡爲公甘一死得士見平生過

嶺艱歸骨傾都看去旌猶聞上車日誓伴玉關行

執友黃泉滿師門青海遙

石父亦出侯官公門

輟耕心惴惴伐叛鬢蕭

蕭功罪書三策歌吟志一瓢海天從寂寞江路颯風颯

雜感十二首

九府瓊林積 三朝朽貫俱銖銖差至石一一悔吹竿莫避

通父詩存

卷之三

青馳馬真愁赤水珠度支誰實領吾意問中樞

右族飛騰易高門點染新由來多幸地恐是不疑人株蔓無  
全獄憂危有重臣深恩當忍負 天語日諄諄

銀幣終何益銅山詎有人大都開互市不必算千緡節儉

朝廷意彌縫宰相身兵農氣蕭瑟慎勿擾軍屯

爲有葵薪急兼愁寇賊過椎牛爭養士貸粟卽監河山澤金  
銀氣乾坤雀鼠羅西園誰載筆新政太平多

寇退民逾憤財殫國尙支紛紛勞節鎮草草定華夷海色橫

珠貝江風散雨旗不無防抵突猶及固藩籬

再有稷鉏聚頻煩玉帛盟邊民原向義國計在休兵飽積三

年粟雄當萬里城幾回天上月一照海東營



史筆諸王表宗盟恩澤侯祇宜執珪玉不省缺斯鉅義父龍  
安漢元公實祚周蒼茫開國日萬壽定神州

廟算憂勞日羣公引避年似聞營獨樂誰敢問三邊南斗天  
軒輊東山地靜偏霜顛遺一老吹淚海風前

左相長虛位天心念典刑詢謀知有屬夢寐尙無形早日思  
三傑他年問九齡空傳遺疏在賜地草青青

今日封 中旨何人抗直詞欣聞上殿語如見裂麻時牛李  
多翻覆椒蘭足怨咨調停勞 聖慮雷雨兩無私

淇竹三年盡霜鴻九郡多不成趨漢沔何日蟄蛟鼉風色未  
仙鎮沙痕賈魯河司農愁仰屋猶幸海無波

冀黃久寂寞姚杜爾縱橫必若潢池斂先宜孟水清遷除今  
通父詩存 卷之三

傳舍威望古專城治理吾 君共惟良頌太平

哭湯海秋同年

盛夏枉君書浩如風濤駛上感潘張逝下歎身世否君實早  
通籍光銳厲鋒齒千金不自寶烏鵲安足抵抗聲誦彈文五  
日真御史朝封夕見斥曳足百僚底軺車阻關洛輕舟犯江  
海主帥死孤城灰心去吳市駿馬馱美人笑握浮邱子除歲  
坐河橋對君風雪裏每思託空文且復耗官米安知二十年  
埋頭京華死君家阻洞庭墓草無見理抉眼望西風滔滔大  
江水

絡緯 乙巳

高館沾微雨繁音并夕烟苦添人寂寞終待月嬋娟露葉原

難定風林或遠遷豆花零落盡何處好秋天

聞林侯官入關再秉節鉞枕上口號二首 丙午

失喜兒童叫從天雨露新焉者人入漢張掖地通秦國有河

山福 朝多老大臣薦賢蒙上賞此誼足沾巾 伊犁將軍布彥太力騰疏

再上得  
俞旨

終竟 朝廷意遲迴有歲年政宜操管鑰不遣瑄鯨鱣漢使

初通馬 土蕃遮雷漢馬  
公勦之有功 河隍舊墾田  
公在伊犁墾田八十萬畝 書勛勞史

筆餘事及三邊

蟋蟀

豈有聲難定緣知聽未眞苦將階下意說與夢中人風露初

侵夜星河欲向晨玉墀他日好亦未稱閒身

通父詩存 卷之三

三

過荀卿墓 丁未

六國尙縱橫士風日滔滔鄉嶧紹遠源蘭陵鬱孤標箸書炳

千載道與秋雲高上蔡無賴兒入室戈先操後賢務刻深議

論如牛毛立說非至公何以定譏褒三復成相篇感激生鬱

陶卽以文字雄豈不駢風騷驅車歷榛莽西日鳴寒條荒蕪

縱樵牧豐碑空嘒嘒寄詞守土賢展敬陳溪芼

雜詩

崇效寺中花滿蹊聖安寺裏幾枝低東寺車轍深一尺西寺

無人空鳥啼

江亭春酒濃如雨棗寺車聲走若雷魚鳥漸知簪組樂菰蒲

翻爲管絃哀

西郊燕麥不能青  
南苑龍沙起欲冥  
一雨金溝春水活  
齋宮獨有聖人聽

遼海雲帆路幾千  
大農仰屋又經年  
魚陂草泊無人問  
望斷東吳萬里船

贈別厲伯符林少子

鄉近轉愁疾  
天高漫激昂  
長途錯昏曉  
野次亂衣裳  
襟緒迷春草  
山河畏夕陽  
峒嵒翻累汝  
百里送蒼蒼

不灑都門涕  
淒迷戀舊權  
前途但妻子  
老淚一流瀾  
亂鳥歸山疾  
孤雲出海難  
離堂暗明燭  
短髮忍更看

少穆師自關中移節滇南卽事寄其公子

汝舟編修都

中

通父詩存

卷之三

四

馬角催歸萬里途  
中原人望白髭鬚  
三秦黎獻還愁思  
六詔風烟定有無  
已仗麾旄安反側  
况聞千羽慰來蘇  
流沙黑水天南朔  
一例春風入版圖

玉京公子氣英英  
元老芳筵叩姓名

汝舟於湯相國座中殷殷致詢遂獲往還

仰星辰瞻太華春  
傳魚鴈到昆明  
旌旗南服浮雲遠  
禾黍東皋白髮生  
不分開關趨幕府  
弓衣遙與詠昇平

訂四農丈遺集告成感而有作

戊申

喬松壽千載  
烈士無百年  
人生有情識  
安能本根堅  
何况百年中  
傾身爲憂患  
文章挽運會  
古間今不然  
中宵發浩唱  
頌眉立我前  
滔滔夜壑流  
一去無時還  
後死非我誰  
力薄難仔肩  
安卽百代後  
庶踐平生言

城南五里岡其勢如遊龍  
才萬古底氣鬱青濛濛  
九年始一來大柏吹天風  
石路洩秋湍霜草迷幽宮  
豈無懽笑人登高送飛鴻  
時九日同人欲於龍光閣開在潘墓之西  
我淚在卮酒下與淮流東  
辛勤訂遺文此意當感通  
精靈期不來冥默傷何窮

君詩量山海翁受普萬有鬱積忠孝懷俯仰一高厚當其精氣足往往入深勳將奇歸重泉此事付身後我非雲龍人昔辱牛馬走舍悲苦抉剔甘心受攻培世或多口憎君亮虛懷受絕贖豈不傷息壤一迴首

長安結客時襟裾連八表  
忝從鄒枚末壺尊侍幽討趨風多國賓凌雲散天藻  
皇清二百載斯文日再晶  
誦君投贈篇訪舊生存少文章如車馬日夜送人老恐復先朝露斯事忍

通父詩存

卷之三

五

草草掩卷數晨鐘  
隕涕憂心搗

登馬陵

已酉

馬陵一小山遠勢有千里橫  
略大東來下飲崑崙水三月山氣發青天鏡無滓  
插鼓拜玉皇閭闔煥丹紫百神儼冠佩羣龍翊階庀上陳霸王略下訴斯民否昏昏楚漢來紅塵鬧白蟻鳴乎糞土臣清淚瀉如駛古井寒海眼修鱗蛻精髓萬事合變化渾沌何年死道人骨皮乾微茫記甲子苦說唐年樹安知今誰是登高迫暮景乾坤有高視不從赤松遊腥膻徒爲爾

王翁招飲馬陵山下適韋駕部奉使至順河不及展敬

寄之以詩

北山高臨北郭低東風吹塵西日迷黃流灑灑橋燕去丹樓  
漢溪神鳥啼詩客春杵足鮭菜故人白馬來金題咫尺不見  
獨歸臥車明發同鷄棲

題蔡通守後亭

作吏故不惡蔡侯佳有餘焉知簿領勞傍此湖山居黃河抱  
君門葛嶻遠君廬君廬復不高遠風來疏疏環湖三十里無  
人有菰蒲鳧鴨往來熟亦未識簪裾東園紅藥在公餘時荷  
鋤其後結茆亭草香泥新塗頗欲錫佳名題榜臨空虛六月  
天風涼登高看芙蓉黃塵滿前路後約知何如

雨甚入於彭城

桓山山下雲白與賈山接雨聲西楚來我馬嘶不發叱馭車  
道父詩存

卷之三

六

驅之已過奎山利浮圖矯若空黃樓坐超忽句倨三五轉石  
壁裂精鐵嵌空慄下視九鼎捲飛雪雙輪俯危檣鳥飛向城  
關平生鎮定心對天植毛髮古來霸王人騎危氣充悅飛騰  
戰伐材慘澹英雄血成敗決一眴坦途有崩歷萬家入暮氣  
疏鐘動騷屑且復就孤館張燈洗韉鞵明登收馬臺浩歌肺  
肝熱

大士巖

山門下無地諸天肅高潔化身何年來窈窕乳竇穴累巖外  
堂隍嵌巖中迸裂頗疑太古天融蒸費凝結苔壁漉雨痕塵  
帷蕩華纈洞門啟夕陽靈尊澹愉悅天迴反無風僧老轉多  
髮別院偶徐步飛花豔晴雪塵躅尙難畱朗性何由徹

放鶴亭

過巖風磴高崩崖劃中斷蹈險手足並繩行趾頂貫遂登山  
顛亭中原一疏散黃河下天西楚山互糾縵春晚雲日麗川  
原霞錦煥濛濛見樓堞漠漠來鵝鷺古來龍戰地風雨颭颭  
竄豈無黃鶴姿高舉逸雲漢文章久消歇山川入堦鑿磨崖  
數瑰詞標空映宸翰當時駐金輿碧瓦紛斷爛井問尙  
風俗父老有歌歎憑欄指東流遙懷八瀛瀚

大佛寺

西山辭夕陽側身下東巘崖轉風自迴苔滑足屢踐齋心拜  
靈官目眈敢細辨巍巍十丈身眉宇山河遠上天下厚土十  
指法輪轉向非緣山鑿萬牛何由輦大武昔南來旛帳蔽徐  
通父詩存

卷之三

七

充玄甲三十萬投地同乳贖足知佛力宏坐使虎威歛鐵垂  
四大字淪精蝕苔蘚迴颺卷松杉金容宛慈善旁舍掩花木  
僧出晝每鍵願惟七尺軀六塵紛難遣願假石室光收攝入  
微窾

登戲馬臺

春山草芽綠杖策城南臺遠風起淮楚萬里蒼烟來山川久  
變易雄姿尙崔嵬不聞瑤池駕荒淫窮九垓豈有開天主千  
金市龍媒王孫旣西去亞父候東歸王馬獨安之大澤空徘徊  
宋公來逡巡下馬銜金杯關隴棄不守得無皆中材每想  
失主悲如聽長鳴哀日暮牛羊入浩歌蹄草萊

中原昔喪亂鬪索方遘患寄奴勤北駕佛狸亦南轅雄師十

萬乘立帷茲山顛揮鞭叱風雲意欲無江塽芭橋屬小卻使  
命來周旋橐駝紫貂裘甘蔗黃金尊登城問何人長史妾翻  
翩輝采照強鄰雄詞矜瀾翻音旨一以暢三軍嗟其賢攻圍  
計不就笳鼓去喧喧築宮瓜步上水生復來還雖云形勢殊  
得人理則全有險豈必守天塹長漫漫

登東城

東城背南山十步一回首林迎暮雨青峯遞歸雲黝霞石隱  
奔隋拱揖相授受龍拏互頭角人立並肩肘沈吟天際帆悵  
望縣南柳憶昨躡芒屨看山到石狗安知昔夢身已落前遊  
後烟雲屢飲沐形骸益塵垢西日不相饒流連我已久

晚登黃樓

遁父詩存

卷之三

八

青山送白日長嘯登黃樓不見車馬來河水東南流雨苗靜  
春郊風樹懷鳴鳩欣欣化寓洽城堞消我愁仿佛樓中人綸  
巾紫綺裘古來飢溺懷不爲紳笏羞琴尊照天壤冠蓋凌林  
邱豈曰文章雄主客爲千秋衰遲臥山澤命世懷伊周高風  
駕鴻鵠顧盼皆有求君看萬斛艦茫茫何時收

韓觀察招飲含青館醉歸奉簡

公庭百吏散燕寢湛虛明微風動芳樹池館含晨清嘉客江  
海流道貫能合并使君行春來飛塵振華纓上堂視絜羞下  
堂延羣英吳紈白玉粲楚酒黃金觥肴炙雜蔬藪意取調和  
平權言交酬獻亦無冠弁傾彭城八萬家武甯三千兵以此  
慶時雍豈不由羣情願歌樂職詩更觀儒化成取醉莫駕歸

公廚多朱櫻

濃青起南山寫君北堂酒清池自攔檻壘石宛戶牖豈惟樂  
休燕兼用懷林藪氣清慮不喧百務可剗剖同也山筮人在  
昔枉小友何用禪化理時來憩奔走庭深蛤吹涼樹暗鶯啼  
久遲遲花弄階微微杯入口風流東坡老屈強山谷叟追隨  
百代上雄文振瑤玖更種南國棠細數西門柳高歌含青館  
深刻庶難朽

望湖亭

西山怪石何硤礮上磨羲車下陰火嵌磴壘登凌險澀細草  
織蘿接婀娜捫崖初辨丹篆紋破扉未合青銅鎖騎危度索  
顛更墜欲南反北右轉左才窮氣竭一寬然始覺長天平帖

通文詩存

卷之三

九

安萬里洪河息聲籟一葉漁舟自掀簸青迴遠嶺外彎環綠  
合平湖中澹沲霞光塵氣森慄人笑語未辨風吹墮長揖那  
能脫羈絆循途徑欲煩氈裏石床權取牛响眠茅齋會辦終  
年坐

白鹿洞

王考功二十年前嘗居此考功物化時自  
言本峩嶺頭陀閉目雲根坐五十年矣

遊趣不厭深險窮得幽闕沈沈一世宙苦寂幾人至初通耿  
虛明旁穿慘陰魅側身石牴角舉頭天在地緊昔雲根人面  
壁此憔悴白月澹初心明珠脫纖翳一遊玉京旁淪落金仙  
侍冠笏化山邱爐几永涕淚我忝精魂合未敢論根器腥羶  
二十年茫茫數殘醉羣倫有扶植孤身易失墜道業兩無成  
從君思美睡



同史廣文譚少尹坐紫翠軒石床品山泉作

山遊仗勇決既坐形亦疲階前得石床安用茵席爲草多自  
生香樹好無迴枝可以挂我冠解帶紛離披埜人進清泉瑩  
滑同琉璃黎豈繫泉甘冽在山味如斯開懷落朱果仰見幽禽  
啼清磬來遠寺始與斜陽辭

雲龍 行宮

長林帶薄日雨氣變丹楮回風蕩曾宮喝嶮陰崖下朱鱗辭  
清池時鳥權初夏居人指觚稜行客問梧檟雖無官寺守未  
忍祇園舍當時霑粟帛故老淚盈把中外尙驩虞河山待車  
馬登高盼九區殷憂豈貧寡欲訪百年人浩歌與傾寫

贈允上人

通父詩存

卷之三

十

上人先賢劉子政七十三世孫也年八十一偉乎魁  
壘而神采煖然有異於人矣彭城山勢勃鬱氣當發  
洩自士大夫文雅間并俠烈耳目所接無聞於時誠  
不意縉流有此器業重以帝王忠孝之門可爲太息  
者已

高皇四昆弟親賢一楚元功成食大國千里開東藩嗣王棄  
昏德旁葉產瓊璠光祿材冠古直諒性所敦經術掩賈董忠  
氣彌乾坤每讀封事書深夜必汎瀾精誠期感通末契逢喬  
孫大師道氣足八十如飛仙熟精內教文指揮青囊篇往往  
風日晴飛步凌南山山城百花謝躡躑來禪關升堂肅下拜  
大字書先賢掃階坐新雨師爲陳其端黃河齧山腹墓道隨

崩奔嗟哦北郭祠榭桐狐兔鄰撥草痛木主手捧歸空門焚  
香爲牲醴沈鉢爲彝尊諸劉三千家此事在老身嗚乎墨者  
流子實忠孝人不知守土誰俎豆徒莘莘問答已感愴笑語  
還繽紛呼童具棋局茗飲亦逡巡我棋行落落師也壁壘新  
覆局了無語頭如青山尊城頭噪烏鵲日色低崑崙辭去未  
忍決暮鐘淒心魂羈人倦應接道侶有淵源時來論先德永  
結方外因

十三夜月

望湖亭上月今夜想淒迷石榻連雲溼山松翼閣齊露添隄  
柳重風過佛燈低天果容高臥全家亦可攜

再贈允公

通父詩存

卷之三

七

一日不見頭苦眩走傍吾師索鍼砭晝長香細綠陰間微覺  
棋聲出松院收枰歛子縱清談拄杖徐行引方便已說精心  
內教文更聞妙訣元和嚙于筋之鑪萬夫鑄當時鐵臂從風  
旋猛士空嗟臙脅傷老夫未覺容顏變城南舊有楊千金者  
與師角力舉鑪而死  
神閒氣定山動搖塵沙颯颯來深殿殘僧徒知饜酒肉苦行  
從來啖麥麩夜深星火暗松寮翻水遺經三百遍乃知萬事  
有根器此老精爽幾曾見皈依深悔十年遲他日不羞供鑪

扇

觀允上人舉鑪歌

寶殿四合松風迴洪鑪據地何雄哉老僧八十頭聳嶽翩然  
拄杖巍峨來石堂斜日初到地空階雨足無纖埃精金洞耀

百魅走摹抄萬徧愁雷回口講手畫出不意顛此卻倚蓮花  
臺允公一笑旋輕舉豕腹彭亨枕左股潘侯鼓掌譚侯哈謔  
謾諸天墮花雨當時意氣軒乾坤城南壯士好腰膂隻手賭  
將鐘紐脫百步要著高樓柱惜哉監子未聞道此事今人賤  
如土山鑪夜燼秋雨寒夢裏猶驚門兩虎吾師吾師老更閒  
每逢佳日必看山我有石床淨可坐我有湖亭好關千他時  
攜取鐵禪杖爲我拔石青崖間

四月十六日雲龍精舍同慕韓廣文攜譚兩生集紫翠

軒作

林容披微風石路縱遙眇明湖澹猶波朝山近如遠頻來徑  
送熟未至情已緬垂垂拂青蘿歷歷橫丹扁初暉升未高蒼  
通父詩存 卷之三 七  
翠人愈淺徒吏脫拘束多士欣遊衍文章道亦小幽勝事宜  
選吟聲遠風泉棋床靜苔蘚諸君談轉清老夫力微勉靜聽  
齋時鐘遙情已束

自桃山趨黃桑峪望瑞雲寺

林窮山徑惡峪口進徒步一水纔通履躡石得屢渡初愛雲  
榛秀漸入灌莽互谿衍豁千尋紆垂信一路淒增石氣寒慄  
疑虎風度浩浩林籟奔白日慘已暮青嶂奮前崖丹榜始高  
樹且復遲叩關煩君一回顧

入瑞雲寺

入寺仗引接欄楯行威遲世尊苔雨色闍黎村農委長者自  
行田弟子學言詞坐客開南樓酬對及東菑古來第一義木

爲衣食資苦身謝百誘是心卽菩提雨洗暮竹色風動新松  
枝永保眞實性何以金碧爲

瑞雲寺阻雨竟日

風溫谷有香雲五山無姿晨光倏晦薄曦雨遂離披鐵鳳俯  
孤鶩蒼龍中威夷萬緣陷元坎孤烟起無時洞天閣未開神  
女行及茲醍醐洗我心披衣起嫌遲

孤陽蕩騎陰蠟姿時一露黃涌大地塵黑入中嶺樹五色亂  
鴻濛一白泯迴互風淒樹已秋谷暗午方曙巢居太古天撫  
心起百慮下土夫何知矚矚隔烟霧

木魚響無期空山錯昏曉烟火絕萬壑失時怨幽鳥山童睡  
爛熳老僧恤飢飽村沽必十里登頓媿泥潦足知白雲中不  
通文詩存

卷之三

三

獨流霞好醒面待飛泉餘聲漱林表

危樓俯風臺林霏歛夕靜未轉西霞明已合前峯暝慘綠愛  
難名曠黃耿微影天容霽餘善澗聲遞遙警豫惜晨駕過樂  
其夜語永安能斬六根燈龕耐清景

山中早起

幽起先明星天人一交動坐秉佛火光受此羣峯擁中年寡  
獨立世味紛百孔初氣入我懷寸心炯孤捧海色紅欲波山  
毛翠逾氄樓鳥警未飛梵潮靜已涌機懷偶萌芽鞭馳向枯  
冢願反皇古初煉心入鴻洞

晨陟後山觀洗鉢池

雲天垂光采露氣蒙一山樵僧稀來蹤荒寂難具論解衣挂

崖木踟身穿嶺苔微逕無定端連雲走關千危急親荆榛荆  
手中心寒仰見石氣青始映朝霞丹樹石同一根蝸辭爭闕  
班窈窕入風竇側近間潺湲恐非渴飲資未涸湯年乾嶮窮  
得尺地喟歎心寬然冥冥萬木合絕磴安可扳

樗公埜

幽壑深可思

樗公自書詩篇惟五字可讀餘皆缺佚

得之樗公篇清詩用心苦

安能衆口傳生前布黃金死後無一椽

樗公所築棟高已圯

真壁入地

脈喬木上參天宛彼不壞身情識當棄捐遂有樵蘇登山  
無百年車過動深喟傳語後來賢

出谷行二十里至龍泉寺

好山無定姿往復嗟愈妙橫側殊面勢千盤不一肖嶺雲俄

通文詩存

卷之三

七

北趨崖日轉西矚山禽苦畱人溪流勇前導中途稍改轅觸  
境遂深造披寫乍空明沈吟歎荒奧幽蘿拂一山涼颺颯然  
到淵阻未遑窮茲焉領其要

道羅家港至二十五里橋

昨遊遵東麓今返徠西嶂馬嘶舊途非林枉靡所漸鷹湖點  
微明箕谷勢多掩山場日穰穰原穎風剌剌一村何窈窕烟  
霏自薰染農勞嗟未休坐食得無忝歸亦驅吾兒躬耕傍厓  
賺

瑞雲寺南樓

佛火懸危磴當頭暗一峯撥泉初過展籠燭細看松壁畫捫  
愈澹山蔬飫漸濃下方聞梵唄祇少暮天鐘

蕭縣無鐘聲

送在上人歸安宜

上人善製硯

昏態明珠翳，真詮軟語通。吟詩千樹杪，琢石萬山中。衣裓湖田綠，燈幢海日紅。東歸思寶筏，乞汝大河風。

柳泉

庚戌

茅城達柳泉山，行道彌惡亂。峯無主名崖，壘自糾索新。烟巒樓重細，柳禁垣弱古。來金碧地，夢寐成今昨。匪無百年人，謳歌念耕鑿。西馭不可留，初陽澹城郭。吾身尙風塵，萬事有迴薄。沈思高廟年，清淚臨風落。

舊有宮今廢行

微山湖

宿昔苦見山前行，臨大湖暮氣合天地。魚鳥聲相呼，中流有舟楫。冥漠還疑無，吾行仗雙輪。此物非所需，雙輪有時摧。風通父詩存，卷之三。波不可踰。

圭

望月懷遠

沙如流水月如銀，樓上愁連馬上春。不用關山照顏色，最分明是夢中人。

贈葉潤臣舍人

濟濟豈弟人，使我肝膽盡。結交十五年，表裏一端謹。哲兄撫南服，萬里靖電暈。山嶽蕩洪濤，顧步氣深穩。起家列茅土，君也戶。每捷朝衫積垢汗，新詩日清損。爾來風會殊，羣賢驟鏤軫。文章篤師訓，君師事潘四農忠孝已根本。紅芳晚霏霏，別酒春浪泯。違離那足道，繩墨失牽引。君若登台垣，風期展閱遠。

石門橋

五里見濃陰乃是石門橋午風動虛籟林影東西交新雨蒸  
驕陽清流映衡茅下馬展茵席俯眺臨青郊古廟擁東北叢  
木千雲霄聖跡信所崇附會非一朝尙想遊世賢英賞不可  
招回首謝吾徒驅車荒江杲夕陽汎孤鳥千里一遊翱誰能  
人不歸吁嗟身世勞

雜感五首

辛亥

四序功成事可知紛紛牛李怨何爲承恩每覺趨朝蚤密議  
微聞下殿遲廿考機樞從古少年和戰到今疑 主恩深  
重容骸骨常憶 先皇付託時

邊風吹徹鬢毛霜三載旌旗護雍梁已許投閒老王翦漫從  
推轂問馮唐會師海上朝乘傳輿疾軍門夜起行畱取雜耕  
通父詩存

卷之三

六

心事在漫天哀鴈下潮陽

一柱天南舊有名貔貅坐擁十州兵畫江妙算期全勝跨海  
餘威仗老成沙起川原迷短域風高溟渤動長鯨蒼梧萬里  
堯封地猶有羣山氣不平

謂徐制軍

胖牂江急雨瀟瀟萬里封疆不寂寥賜劍幾人開幕府徵兵  
十道降星輟瘴烟滿地心先醉明月中天氣尙驕聞說前驅  
新破虜可曾親見霍嫖姚

料兵轉餉事艱難忍聽哀鴻大澤寒每以苞稂傷下國又將  
捧土困都官事無奇策籌前箸法有新章柱後冠再使 至  
尊勤吁食也應相對涕汎瀾

通父詩存卷之四

三月十四夜試院對月卽事有作 壬子

合藥嫦娥去投壺玉女來霜痕悽輦谷花韻倚樓臺宛轉三  
珠樹流離七寶杯似聞青鳥喚日日駕龍迴

問訊天邊月衡陽有鴈聲苦將燕地夢還覓漢家營左校殘  
驍果中樞憶點行蒼茫立風露大角太分明

痛飲思前夜中丞報捷書市廛知未改士馬竟何如已失重  
圍險仍推上相車由來調燮手輕進不關渠

黃河一千里無路下滄溟沛國沙全白湖天草細青風雷爭  
頃刻壁馬失精靈莫問司空籍 君王不忍聽

袞袞鼂家令寥寥卜大夫堯民原向義漢法慎多途四海雷  
通父詩存 卷之四 一

元氣三司仰大儒盈虛關至計哀恤向肌膚

讀史偶作

七校秋風指上蘭從臣都戴惠文冠相如諫草分明在莫與  
鄒枚一例看

講武

野色長楊館春風細柳營 君王思講武闔外正嚴兵扈誓  
翼天罰岐蒐起頌聲子雲能獻賦可望漢公卿

呂祖閣道士是 仁宗時宮監

皓鶴歸來月似霜明鏡殿角鐵銀鐙白頭宮監無言說暗誦  
多羅報 睿皇

秦平陽斤銘拓本爲王比部賦



周鼎浩淪沒六國皆西馳秦皇張利吻一一強食之盡收天下兵金人鑄中馗餘者斤鈞石輕重手中爲縣絲三季法掃蕩無子遺河東股肱郡頽式先及茲吏治雖刻深畫一故無疑豈惟黔首愚鬼物猶訶搗土花何斑斑鐵鎖何纍纍尋文辨其端作者丞相斯尙賴文章雄閭位參尊彝奈何作法涼而欲追軒義鍾簞忽不守一火金鐵飛持此媿龜鑿永爲來者規

葉小鸞眉子硯爲王孝廉賦

宛孌一小硯其重如玫瑰隱隱缺月光撫拓生光輝豈惟貴美璞嫋娟所寶遺遂令摘藻士冷語相追飛王郎玉立人靜抱寒女姿結廬綠陰下煮石常苦飢煮石尙苦飢何況畫蛾通父詩存

卷之四

二

眉無以飛仙骨受此京塵緇願言守貞素磨涅爾何爲

致經堂圖爲孔舍人賦

去聖日趨遠衆家日趨繁萬派統所歸如海納百川豈無非聖言可以一火燔與廢無如存聊用備一端茫茫好古士百年窮朝昏疲精則可啞放失良足歎君家道之海乃不遺細瀾區區漢宋說東西一井闌永砥立身節此事爲籬藩去去重回首斯堂霄漢問

題孫芝房同年蒼黃谷圖

聞說蒼梧野層陰萬里生遙憐湘水曲尙有風篁鳴紫蓋微茫遠黃陵慘愴明關心向樵采不爲子規聲

盡謝長安客聽君話故山琅玕日應長鸞鶴幾時還晨珮趨

三殿春愁落百蠻丹青詠眞宰亦在有無間

題伊漪君菰蘆息影圖

官閒那得似沙鷗地僻猶聞過八騶祇有烟波堪息影可知  
野水亦橫流

野鷺山居圖歌爲鄒孝廉賦

千門走馬日披君山居圖林巒秀發不可以逼視但見青蒼  
一氣盤空虛生不識資江源夢不過洞庭湖胡爲寘我首望  
鸞晴翠已似沾衣裾長安逢鄒陽鶴立長身軀肝腸浣若雪  
文章唾成珠衷中久藏活國手正待插筆天門趨不慕瀛洲  
仙時時卻夢山中廬君不見衡嶽以南風沙塵黃鼠戴頭追  
赤狐壞雲壓城驚夜烏烈火三月燔蒼梧一嶺之隔更何有  
道父詩存

卷之四

三

未免猿鳥中宵啼鄒生此時可上書乃欲高枕尋菰蘆南山  
北山眞天都雲溪汝溪天下無武陵桃源在入世迷陽卻曲  
悲中途還君此圖增煩紆

畱別曾滌生侍郎

先皇棄羣臣 遺詔在中外冲懷體恭儉立法準萬世兢淵  
三十年憑几猶寅畏禮從 七廟降道與三古邁吾 皇篤  
孝思 詔下殿廷議侍郎首陳謨精微動天地上明神聖心  
下推臣子義屢領 至尊頤退朝聞拭淚此疏遂流傳海內  
想風氣老夫時被放喜極忘身退爾來又二年時勢頗殊異  
風雨長萌蘖滋豐積彫敝大陸起蛟鼉長天走魑魅殷憂則  
啟聖衆正尙征冀學士辭危激侍御氣鋒厲至於陳艱難公

憂滿眉際憶昨枉深巷從容屏車騎朝衫入疏雨履聲踏寒  
翠初訪祇文雅少深及世事未稱傾吐懷益知慘澹志驚颺  
送西日紅芳隕寒吹黃鶴暮高翔白水東南逝深感辭大臣  
况欲謝流輩尙懷魏闕心重以憂生累浮雲滿西山大塊一  
吹噫疾風迴高枝勲德公自愛

過南苑作

繚垣亘百里灘沙起堆阜巍峩九紅門海戶爲之守川塗砥  
如掌草樹自紛糾春野秀葭蓬秋 宮冷懷柳 先皇謁  
山陵 迴蹕駐郊藪肅肅旌旗入詵詵羽衛走網看一面合  
令已三驅後馬前起魏兔 御矢注在手一箭巧壘雙 天  
笑爲之久從臣呼 萬歲六軍沾牛酒此事經幾年父老終  
通父詩存

卷之四

四

在口老儒歸山澤駐馬趨道右摩雲仰新 宮盪日開翠牖  
當時擎天班屬車載尊尚永瞻 慕陵松流涕感 恩厚喬  
林風迴枝新禾露盈畝夕陰啼勅吭夷塗散歸夙欲去苦未  
忍重來恐非偶將身化草木近天復何有追賦攻車篇歸報  
山中叟

鮮花會辭

鹿銜瑤草出天家鳳啄靈芝又茁芽萬國風沙渾不識年年  
海戶賽鮮花

送戴五 鈞 歸桐城

戴子強仕年真氣震屋瓦雖抱出世姿未敢小天下纏繇事  
友生辛苦復駸雅長安多勝遊眞賞蓋已寡每逢略崖分時

一就杯竿洪風振天閭九途紛去馬羣公方歎嗟登車一瀟灑  
灑灑露被林柯微陰薄炎夏道亨不在朝身屈不在野夢夢  
白日中誰是千秋者

遊雲興八極會合上天都應龍昂其頭百怪爭先趨盤桓太  
清中戰勝不須臾旬霆一振盪解駁歸山隅與子各一山澤  
氣潛轉輪升天則爲霖降亦還吾初莫養黃長虬乘霧恣睢  
野與爲尺水波亦活涿躡魚惜哉羲輪馳重以湯苗枯寄謝  
鴻濛君故山復何如

桐鄉數先賢方姚去已遠豈謂文章雄道力肅高寒後來或  
疏放支別各流衍子年實英少尺寸視履踐所虞神峯峻未  
極法輪轉屢挫氣當夷戢翼睇一展皖江波瀾洞龍山境深  
通父詩存

卷之四

五

淺世事姑塞耳躬耕守墳典王塗若清夷呼子共奮勉  
同昔少年時顧盼多老蒼朝野三十年白楊風茫茫訪舊每  
涕洟感子言蒼涼問年未爲衰視子居兄行我病在跣跣子  
氣太矜方怪石資磨礪交流聲雷硯今夕平原飲明日趨河  
陽中原鮫鱔多出沒難周防善履非躡躡易缺非干將青天  
萬里途慎善毋相忘

送符孝廉遊皖

前年見君彭祖樓紫衣吹笛沙棠舟黃河驚浪作山立一日  
不遣風帆畱今年見君長安道翠幃華纓覺君好高歌清切  
上浮雲醉舞婆娑落春草明珠白璧抵公卿飛絮遊絲不繫  
人低何北闕能無意跌宕江湖忽有神南歸我指清淮樹拳

裳君渡蘭陽去浮渦絕潁下潯廬要看長江射蛟處蕭蕭易  
水今宵風幾日青山見皖公乾坤此際看長劍風雨何方託  
短篷名藩意氣傾山斗金高南山起爲壽百年文物尙清時  
一代權衡屬君手

皖藩李君屬  
君選詩之役

戴侯健者才有餘青雲歷落

滿前途似聞西上雙龍引憶否東飛一鶴孤

南沙河雨夜聞軍中急遞有作

萬國竟何象中宵屢此聲掩書愁自語繞柱起孤行風雨纏  
兵氣江湖隱亂萌微生託餘慶沮澤老歸耕

嶧縣道中

北來久不雨一夜水增波新綠麥中出亂泉橋上過山如行  
客倦樹爲望鄉多歸臥疏樓下炎蒸爾奈何

通父詩存

卷之四

六

自嶧縣舟下承水入迦河抵宿遷舟中雜詩

陸行厭塵壘川塗散騎蕩稍稍親鳧鷗翹翹入菰蔣承流駛  
南趨加渠浩東枉崩崖坼蒼巖渺焉津濤廣風草沒依微岸  
戍出疏朗浥茲天水明喜見鬚眉晃蒲帆終一挂江海遂孤  
往苻絲不可攀南風日以長散髮吾何求裸身佐操榜

高廟趨臺莊十里八九轉迷方身一旋嶺山終在眼風期不  
我遣於命未爲蹇登艫送清眺涼颺拂餘善殷雷陷西日茫  
茫別羣嘯市岸晚逾湍燈樓暝如遠夜眠得安枕猛雨破窗  
棹童僕聚一隙尺寸敢舒展勞悴故由天巧避或未免大哉  
乾坤內幽人道坦坦

昏波蕩衆綠山氣夜來吐夢驚赤日升過枕聞飛鷁披衣林

已遲抉肯傍篷戶濛濛浮水花汎汎過白羽澄澈愴夷猶驚  
陳忽掀舞似聞鮫人泣螭龍滿水府前登王母山揮涕望元  
圃洪波圻菴足戴勝空野處豈無銅山金半化河津土願追  
雲駕還一拚飢流苦

荒山斷馬蹟濁流揚哀聲殘垣帶墟邑云是梁王城元黃昔  
黥黷南北以忿爭少年殺長吏朝暮成縱橫世昇歸剗除餘  
腥流剽輕狼顧幸時艱中宵篝火明滔天覆澤流二儀無光  
晶山澤聚蕞惡蛇螾相洄縈不斬井中蛙終爲橫海鯨勿聽  
市兒歌聽之心膽驚

西瞻宋唐山東眺隅頭湖長隄何蜿蜒撻扞今淪胥側耳無  
哀鴻化爲湖中魚百萬葬其腹得魚忍食諸人魚同一盡天  
通父詩存

地爲洪鑪莫貪腹下腴看取眼中珠棄魚撒波去千網遮歸  
途亦有轍中鮒微沫相吹噓吞舟久爲籠此類自泥塗安得  
澹沈蓄與爾分賢愚

岱畎蹠東服百谷西南流黃河奪泗委蒙沂無歸休暫山斷  
馬陵六塘爲嚙喉長虹徹霄彙康衢莽悠悠地軸脫其輻沈  
哭聞數州萬派隘一門旋斡趨上游遂使升斗計久貽黃  
屋憂衷中本務書叫天雲正愁扁舟適泱泱饑懷親咨譟梁  
肉寡英圖吾採漁人謳

宿桃源驛

南下欣浮櫂東歸又改轍雲帆澹洪澤風柳入桃源花暗春  
泥驛衣明新月村侶徒齊所羨笑語隔宵存

馬蹏如椎車脫輓客子入門泥一尺雨淫蠹粉亂床頭風引  
疏花蕩牆壁拂拭莓苔安枕席兒取圖編女脂澤八荒四海  
同一愁手寫歌詩振金石

塘水漉漉溝水闊客子入門泥沒鄰庖畝生菌螺蚌遊登場  
小麥飛蛾出溼薪不燃有底急市醞難賒最倉卒西南長戟  
暗連天忍飢誦經吾可畢

贈周生

癸丑

貂衣誰家賈銀鞍騎大馬新從河朔來血戰大行下主帥丹  
旄歸

李吉人  
中丞

脫身就里社妖氛纏斗牛江介無片瓦將母豈  
不遑豺狼嗥中野怪子何淹留清淚墮杯罌懽場易荒忽扁

通父詩存

卷之四

八

舟實瀟灑落日照行營長淮哀湍瀉贈言尙慎旃古道今已

寡

贈傅明經桐卽送其之山東

飛火黯中原君從何方來風波消日月徒旅何艱哉北首指  
齊魯此行非所諧亂離儒雅或逢狼與豺豺狼卽所親豈  
惟兵火裁邑有賢主人將子且徘徊華燈照高筵中座歌聲  
哀百年浩已半萬事繇安排贈子猛虎行閭閻安能開

降兵一夜變飛矢及君屋堂上鶴髮人整妝秉華燭白刃晃  
街衢寒機侍幽獨此才可十萬嬋娟老儒服示我諸將作深  
心仁邦伯州郡豈無人所嗟更代速四海同旅廬誰能親骨  
肉焚掠旣尋常龍蛇將起陸百言莫汝訓浩歌去空谷

送賞大禮

去年重九日送子歸南州今來鞫再榮戰血如川流亂離瘡  
痍多軀幹何豐修不敢臨郊衢論心倡家樓十年佐幕府抱  
奇歸樊邱天心有轉旋曷謂東諸侯君行但搖手落月清波  
愁可無當筵驪蛾眉持金甌扁舟尚不顧五湖安可求炯炯  
一寸心與君從白鷗

題何子毅效錢南園六馬圖

甲寅

嗚乎南園不復作道州宿草同寂寞諸邱并是渥洼姿絕跡  
騰風向寥廓長者神清吾未見畫裏驚逢巖下電想見高秋  
下筆時天闊萬匹開生面山深樹古雲物奇天空海遠風沙  
變自是昇平考牧圖豈意寔寓今酣戰道州一破湖湘危諸  
通父詩存

卷四

九

弟相逢淚如霰去年子貞人都行至淮陰聞道州破相向歎悵南園諫疏更何人萬

騎秋風擁畿甸披圖讀跋重沈吟對床風雨憶情深為添一

掬蓬瀛淚報與三年劍閣心子貞視學四川

周止安畫冊為周蓮亭大令賦

畫無題印大令於揚州亂後得之真止安筆也大令  
方為雲臺之游幽巖絕巘與畫中一一惟肖若止安  
豫知有今日事者爰各繫一詩而包安吳為題其首  
後一年余至東海則安吳前歲死矣念舊懷賢斐然  
有作

周子才如馬脫羈指揮百怪風雨馳奇文巨冊乘滿篋長槍  
硬箭森陸離有時作畫愛雕刻十日一水五日石大窮元氣



細秋豪寫罷茫茫自嗟惜學書頗重包慎伯端已而外畫無

敵記揮老淚託生平夢裏傷心漢水聲十五年中事反掌包

老亦作辭家行

止安將游漢陽臨行謂吾與慎伯他日非通甫莫能紀其生平明年果率而表幽之文至今缺如慎伯去年扁舟避

亂遇盜而傷其年冬亦沒幽冥萬古負兩友戎馬餘生懸升

斗卽看一髮是青山那得扁舟同白首湘潭文孫頗愛奇揚

州肆市偶得之搗來雲臺中昂首賦新詩三磊吞混茫九龍

拖威夷金牛玉女望不極別峯幽巖森蔽虧玩弄丈人松顛

倒翠屏姿畫懸在壁詩在口以畫配詩左合右天生神物有

同歸包老大字妙奇靄夜深星月下中庭山鬼入戶秋燈青

瓊花梅嶺事荒忽斷縑遺墨嗟飄零乃知二老眞精靈往事

獨說無人聽來朝高挂雲飄去海天無際窮追尋

通父詩存

卷之四

十

牡丹畫卷

乙卯

禁晴惜雨送春天錦石雕欄暝欲然車馬不來銅鑰掩園亭

深鎖太平年

鸚綠猩紅入座明催春檀板泛金觥君王不聽邊關曲笑領

清平第四聲

宿遷道中遇西川張孝廉

懋康

二十韻

丙辰

天台隔風濤送子沙雲漢豈知十二春萬死一相見

道光二十五年

相見淮上時君有天台之游

握手各問姓驚定淚被面嗚乎廉吏兒奇窮

命如錢荆璞非一別文身屬屢窺寇蔽江下孤山守中斷

大府走單舸中丞抱空拳君雖小身軀流離勸轉戰再扼集

賢關登山眺軼絆苦鬪午過申江河一奔散夜黑入深榛血

衣巾僧院仰天看星河凌亂走飛彈三敗失舒桐主將死  
國憲灰心問家室潛身傍虎臂輾轉兩經秋面目改漆炭終  
懷報 主忱自拔出江岸脫險赴 皇塗夜枕猶漸汗問答  
苦難詳顛倒說離亂看子終一奮 國恥豈下咽眠食幸自  
將皇天照多難

半城

海內榛菅滿山中犖礪平溪明沙數米谷暗柳成城呼犢地  
中出放犁天上耕那知豺虎逼此是太平氓

青駝嶺大風

蚩尤吐毒霧百怪雲端來獅象舞爪牙狐鼠皆爲穴巨者擲  
沙石細亦揚烟埃坐令赤日光不照軒轅臺我欲騎青駝青  
通父詩存 卷之四 七  
崔巍玉鐙韉金鞍凌風尾毯毳昂首叫天聞聞鳴聲  
哀猶猴駕土牛十步九徘徊鞭駝駝不前桑榆忽西躋冷父  
徒妄逐姬滿非仙才

公氏山居

柳節忿忿近桃墟冉冉深冷風漁沂水晨氣潤蒙陰池動濠  
魚樂籠藏楚鳥吟他年歸卜築寫放一披襟

登岱至一天門作

朝曦蘇萬峯絳氣橫百里海色動衣裾松風半天水天路初  
坦夷地脈閭隆起安識真身高俯首城郭是微茫汶陽田歷  
落明堂址麻鞵登封路萬古吾身始裴裒出閭闔龍虎宛衷  
俟雲知開闢年樹識漢唐祀百歲紛且暮九霄方尺咫發軔

歷華嵩浩蕩何窮已

斗姥宮

靈宮俯丹壑初景熈微陽所居界人天接引多芬芳旛幢靜  
不飛几桺浮幽光延客敞雲軒澗竇鏘明璫始知東帝雄百  
態皆包藏弟子十餘齡纖步羅瓊漿生天良已難作使可憐  
傷山石日巍巍山松自蒼蒼安得青鸞翼送汝白雲翔

迴馬嶺

稍度伏虎廟已過迴馬嶺浩與塵土辭苦心躡幽迥大壑垂  
天潢危磴接修綆磨蟻左右旋峽猿踵頂並迴風激東坵辰  
日忽西影登降目一眩九天蒼冷林明得沙塗石壓阻叢  
梗微茫瞻帝居吁嗟霄路永

通父詩存

卷之四

七

半山亭

時已  
地

半山亭何如墮裂不可縛萬事誤中塗此山非立脚輿夫甃  
憩息徒侶意前卻青穹蕩巍巍金光儵流鏤如聞鸞鳳迎雀  
敷奏萬壑願惟衰白姿中歲服呂弱道有如象石風吹萬丈  
落途中巨石非一輿夫云今  
年正月十五日風吹落也閉目棄不顧雙身思一躍虎豹  
深九重高厚終有託

繼五大夫松下

風從何天來晴霄散霖雨沾漉雲中橋拂面萬花舞朱欄曩  
相接玉砌粲可數足知天帝尊茆茨陋皇古亭亭雨蚪龍秦  
時之所樹親見咸陽火未備阿房柱古榦或非舊託根自天  
府樽桑有榮落月桂遭斤斧人天盡更代子孫非父祖醉呼

祖龍魄萬世今何許

萬松嶺

萬松爭一門石角走磕磕陰鷗中  
嗚嘯翔陽避在外巉巖慄  
虎豹天光忽破碎亭午山氣合尊靈  
萬方會低偃張幕帟高  
叢樹旌檐仿像絳節臨才歷鸞聲  
噦混合青冥中風濤一世  
界旁徑緣縈紆紅牆宛襟帶未必飛  
仙駐去鳥入已隘拊膺  
起歎嗟聖有垂堂戒

嶺下有昇仙  
洞石路斷絕

南天門磴道

十里見天門五里升天階推轉日月輪  
涌溢金銀臺層霄架  
元玉露氣浮丹崖作使兩腋風影搖  
凌三台俯媿塵濁軀中  
天一徘徊深荷金繩接宛見紅雲飛  
青冥滑側足寥一煩安  
通父詩存

卷之四

三

排莫倚唾成珠殷爲空中雷所貴介石心不貴凌雲才

登日觀峰

震宮秉木德日觀聳孤標盡納生方氣  
坐擁羣神朝維時二  
月中斗柄臨青郊躡衣御冷風東  
挽扶桑條海水忽西流百  
怪矜宜驕安得鞭羣山極天駕長  
橋徧通諸島國琛賈聯征  
鑣惜哉千舞歇不得聆虞韶六龍  
何道游九日爭風颺威弧  
弼勁弦坐見毒霧消瀛海重清明  
萬里窮秋豪顧瞻想吳楚  
白髮慘飄蕭

登玉皇頂觀古封禪臺

白日麗中天流光散層巒巍峩帝居壯  
祥雲繞闌千跼身踐  
崇基仰見金墀丹煌煌七代珮玉鏘  
鳴鑾升中舉大祀望

秩歆柴燔豈有金函文  
麥闕書璫瑤遂令雄才主  
夢寐勞登壇茫茫萬古風  
吹冷東封乾願焚封禪作  
痛陳斯民艱先殲猛獸羣  
再迴洪水瀾萬國車書一  
四民征戍閒西京黍泔油  
東魯鼓淵淵玉輅動  
時巡牛酒賜元元小臣勤  
獻頌永憶高宗年

### 碧霞元君廟

天宮集羣愚香氣一山動  
叢叢寶域開族花鬢擁奔  
走萬方人所費無乃尙禮  
因流俗盛足爲禱祈勇九  
州膏血乾一殿觚稜聳鑄  
鐵繡作花鎔金柱成拱闕  
咽三百年力與邱山重神  
靄發天光爐灰聚成冢雲  
扉午已扃雪竇晚逾涌旁  
窺王女池靈風澹溶溶明  
發驟征軺遙心尙欽悚

通父詩存

卷之四

四

### 東嶽祠

勸躋北斗臺潛尋東嶽祠  
圭玉暴風日不知典守誰  
爐鼎黯不輝巖岫寒無姿  
磨崖有述作大放瓊瑰詞  
金薤垂珠琅琅快劍斫蛟  
螭有司困徵求捶搗何累  
纒開元媼成康燕許追龍  
夔斯文秉元氣風砂安能  
摧陰廊積雪多融液如琉  
璃飛來兩青鳥亦在仙壇  
枝隔山鐘磬音人影歸參  
差余亦訪碑罷獨與斜陽  
辭

### 下山登南天門樓

憧憧天門客登降無時休  
安知清虛表復此空中樓  
梯石出睥睨北風聲正邁  
俯視盡黃埃茫茫蓋九州  
齊魯失戶庭河濟空交流  
時河決由大清河入海  
忽驚赤城霞西射崑崙邱  
九道錯星

垣日輪將安投我非御氣人疲精條來游末窮千里眸已觸  
百年憂如何墮塵土日日從蜉蝣

齊河橋

長虹駕龍鼉高與齊城齊如何故鄉水到此不思歸禹蹟昔  
幾更旁出今又非似聞達識言此非人力爲哭聲震中原樛  
栢不得施二瀆會激油千官遠崔巍登車西日冥激清知何  
時願分酌權惠先與問瘡痍

自阜城至河間道中

嗚咽滹沱水長流戰伐聲虹霓纏白晝人鬼雜孤城野市雷  
軍窳春壕剗賊營如聞諸父老猶說酒漿迎

四月三日同人祀顧亭林先生於報國寺遂爲展稷之

通父詩存

卷之四

五

會賦五十韻

同昔來上都惟 宣廟中年朝野方驩虞紅塵溢街廡公  
卿多魁梧折節能下賢城南冠裳會車馬如波瀾江亭掛太  
行佳氣浮晴烟鏘鏘鳴珮玉肅肅陳豆籩沽酒必芳醪割擊  
必肥鮮妙墨永和姿鴻文流觴篇朝士或不與與者疑登仙  
以茲盛傳播亦復遭譏彈中間隔世事我又歸田園及乎

嗣皇初重道開 經筵 廟謨急軍食教則師儒先 開國

有大儒遺文日經天春秋肅將祀庠貌巍如山招揖九州士  
姓醴陳階塹鯁生忝下風拜跪中維虔默想斯人徒會合啟

貞元顛倒王霸略斟酌周孔編實錄甄畧朝形勢窮九邊雖

非王者師將相盈其門當時開太平此老實仔肩惜哉風教

歌文雅生哉忠旤始邪淫辭又失教養源中間吏治衰武備  
餘空釜蠱壞久西南一決成潰川江漢爲荒蹊吳楚無堅垣  
震驚及畿郊天弓始張弦兩載河朔清惡首猶未駢已覺元  
氣蘇中外交驩聞昨來拜闕下金霄浮雲端新綠靄御

溝繁紅驕

上關列肆璨珍璆遲日明管絃有時衝風出訪

舊塵沙間官闕或已崇門巷赫新遷中惟葉

潤臣侍讀與孔舍人

矢志同醜酸官米但易書暇卽空芳尊故交已晨星新交多

英鷲再續城南游先之陳炮燔入門心惻愴有廟無籬藩地

懼空王奪司無典守存大松起寒濤西日低城闔歛如精靈

來憫此生民艱座中桂林客

朱伯韓觀察

五載疲戎軒何況兩國

老陶庵香張詩

身荷

三朝恩努力佐中興埽蕩清乾坤商

通父詩存

卷之四

去

頌土芒芒大雅車檀檀且詰周戎兵勿陳虞羽于功成薦

太廟巨筆摩天垠浩歌去滄波嗚乎行路難

### 題葉潤臣江漢歸舟圖

大別山前漢江水直下吳楚三千里危樓傑閣照中原列鎮  
雄藩竟誰是湘江霧雨蒸長鯨五年三繞漢陽城晴川鸚武  
驚飛盡玉笛樓頭起殺聲昔年江上千帆影蜀錦吳鹽交四  
境暮雨曾無穰榜人惟見寒潮向山靜君從何處覓歸舟夢  
裏虛爲汗漫游何如乞取雄師出十道風帆上鄂州

### 再題城南買醉圖

東邊日出西邊雨一春狼籍風與土二十九日醒何爲三萬  
六千觴屬汝聞君節飲經幾春止酒復開良有因自從前年

漢陽破一夕翻倒頭上巾從此花前屢洪醉有口不挂人間  
事長安酒價比兼金脫卻朝衫送酒肆新來酒客汪仲與朱  
韓我亦忝竊稱酒徒天津泥糞來百車城南城北提胡盧不  
知千日醅醕睡得見三方清晏無

南歸述感雜詩

謁 帝承明館被放歸田廬遲迴出南郊山川增煩紆恒陽  
氣蒸鬱百卉嗟已枯徵調半中原誰復安井問所幸畿輔氓  
盡室把犁鋤一雨小麥熟再雨春苗蘇豈有蒼昊仁不照  
皇躬劬每懷邊亂略先陳本務書十說不得伸一身安足圖  
惟王操利權法始周九府五銖隆漢業三品逮孝武後來更  
變制輪廓緬規矩重或相什伯窮則代以楛古大臣謀國流  
道父詩存 卷之四 七

固安道重寶棄如土

上幣積已多重泉鬱不流設法求疏洩乃以名器收以虛易  
彼實折閱亦易酬峩峩九門內冠纓與雲浮朝出御短轅日  
暮擁華軒六曹近膏腴丞署頗優游豈無馮公嗟幸免臣朔  
憂遂令揚馬徒失計升瀛洲不見曲江醉歸來典敝裘

士有甲乙科皆可宰百里遂於三涂內獨負清流美上懷奉  
檄榮私亦爲祿仕自從軍興來千里生荆杞節使申章請吏  
部憑賞擬之官忽無色取道竟誰是况聞新章嚴病免無道  
理亦知許國身不得顧妻子譬彼江湖濱乘雛焉用彼中道



逢我友敦勸及衰齒寄語謝流輩堅臥誓不起

聞雲貴諸省揀發州縣以

下官無一人往者  
朝議始改新章

朝發河間道日暮宿交河交河有美女對客揚清歌曲終發  
慨慷英氣弩雙蛾言昔粵寇來萬家窮奔波賊觥孔令君雄  
劍三撇抄跪送太夫人兩淚掩如麻歸來坐堂堂皇朝冠高峩  
峩賊前謂令君東魯聖人家况有好官聲但坐安無譁令君  
大罵罵鼠子敢爾為發言未及終霜鉞紛交加公子披髮出  
並命委庭柯賊退貌如生傾城涕滂沱丹旆何翩翩送歸聖  
人家人生誰不死死去如蟲沙君看孔令君精爽凌紫霞  
客行阜城縣戰壘生春草重壕何連嚙流潦白浩浩往問守  
城卒賊來昔多少攻圍連幾旬取勝從何道會云賊初至焚  
通父詩存

卷之四

六

掠空邨堡所幸天兵速長圍築成早戰格外崇墉甬道中晶  
晶主將有新令營門日灑掃肅肅過行旅悠悠達昏曉從無  
暴客憂足知師律好

僧王令南北行旅皆出大營早夜賞送行者大安

君看迴合處

不得渡飛鳥傳語江南將仁武以為寶

南征廣川國所過多瘡痍旣始臨洛關東去無堅陣巍巍異  
姓王仁勇天挺姿漢南三萬騎掃籜無畱期尾攻及連鎮一  
舉成殲夷王入拜丹墀 聖顏大驩怡受寵語賊踏天誅良  
久稽一勝不足多江楚血流漸願廣 列聖仁普救生靈危  
角巾歸私第溫溫無所施廷議養威重遂與旌麾辭經行舊  
營壘英略空人思

杭稻挽東南雲飄連上都昂津扼共衝建牙吹笙竽析津接

潞河京倉相委輸坐食百萬家紅腐成棄餘地軸再翻覆天  
庾中淪胥南漕九千艘板破丁逃逋京朝賢公卿脫粟沾中  
廚豈無玉田產貴逾明月珠古來瀛莫郊淀泊飛鷺鳧願復  
力田科功始鄭白渠司牧皆勸農則壤遵文敷秋風捲黃雲  
玉液如東吳上者供御廩官祿亦易儲六軍驩飽騰捷伐澄  
江湖如何駕飛鶴萬里凌空虛

途中懷人五詩

此五君子者皆性命交也跡有疏密行藏殊趨生死  
隱顯要皆秉天地之正氣意存乎拯斯民於水火志  
或不盡伸庶乎措諸古今之間而無虧者矣長塗歎  
疲勞而成歌神志遙通不必生者之日接鄰與死者

通父詩存

卷之四

九

之果有知也

吾愛曾侍郎憂國如饑渴煌煌大禮疏高議動天闕奉使邁  
艱虞組練裹裘經舟師五千人洞庭捲飛雪一戰收漢陽半  
夜武昌拔整衆下中流三山見豪髮分軍定斬黃水陸遂先  
發業業九江城湖口爲機筭雷攻計萬全苦戰生蟻蝨破膽  
力死拒遠出智狡猾遂令破竹勢沈陰淹日月生平報主  
枕薦馭必英傑軍門死嘔血塔齊布自裨將薦  
登大帥卒於軍中廉訪詭倉卒  
羅澤南以諸生帥義勇  
數十戰積功至監司痛惜國楨亡愁思天柱折何況連雞  
飛每動得時掣雖喜拔距速已恨輔車缺坐見江州危七郡  
聚虺歎彭蠡烟混茫匡廬峯削崩魏枉國士遇寸奇無由竭  
安得擊扁舟訪子蛟鼉窟會澤生侍郎

先朝三直臣桂林有遠致一奮雕獬威翩與鳳麟逝蘊奇桂  
海天霞心隔朝寄晚爲戎馬迫起與蒼生事轉圓五十家指  
縱三千騎坐舒并樓嘯密定崑關計脫略收羣梟至今備精  
銳稍洩枕中秘未叩囊底智拂衣嶺雲邊輶車倏而至長安  
尙全盛敦槃恍隔世文章兩密合世事一籌備當其謀略定  
各以掌中示驚風吹鴻鵠蒼山逐征袂草草萬人場昏昏百  
年際名壑儻借尋吾其奉鞭轡

朱伯韓侍御

將軍死牖下書生薤沙場出門復入門聽我歌慨慷我友有  
臧洪志大不可量初從上將軍並海驅長鯨鬱奇不得吐左  
目青生盲再隨周東阿逐盜渦潁旁異軍起蒼頭大書忠壯  
營今日擒尤來明日誅大槍翦除未及半淮南爲寇場桓桓  
通父詩存

卷之四

三

袁使君奉命於鳳陽倚君左右手許君一面當兩龍不共  
淵兩虎不共岡所恃一寸心剖腹無他腸千里一書來血墨  
交淋浪上言十月中三路行出兵南下收舒桐西迎會侍郎  
奈何墨未乾子命歸天閭子命會有歸馬革斯流芳安知哀  
贈榮逝者終迷苻寄語忠義人託身慎周防

臧牧庵孝廉收庵提兵收復桐

城六戰皆捷南關之敗以救不至戰死城下

桐鄉多奇節戴五實天挺滿懷家國恥三年走榛梗城邑昔  
陷沒盡室傍烟嶺偷生喪本性一怒氣生瘦倉黃迎官軍挈  
衣不得領夜別牀頭人納袖裏殘餅辨色赴行營潛身數竈  
井慷慨備糧糗委曲諭頑獷大計一朝乖巢卵無完整瓊英  
姿如霜嚴妝翻素頸小星明比月竿首視猶炯何况掌珠身

臂斷玉未冷羣克盛耳目風色變俄頃奉親藏趙壁脫身附  
吳艇痛哭訴軍門萬言棄不省南氛阻斬黃北權源沙頽臨  
淮九衝塗白地樹矛挺諸田舊齊宗歆血盛牲皿發言激義  
衆對校食哀哽書來訪籌略計決殲電龜辛讜力救泗包胥  
哭存郢每歎神峰峻深虞厯塊猛果然貫日誠變滅秋虹影  
殘寇猶在疆歸骨渺何境遺文滿箱篋舊諾惡心肯君以妻  
妾死難  
事略見寄且曰非得君文日不暝矣許而未及作也并賦瑠華章寄君泉路示鈞衡當  
賊陷相城舉室避山中甲寅十一月官軍收桐君夜赴行營  
籌饋濟師南關之敗賊四出焚掠索君尤疾君妻某氏以剪  
刺喉立死妾某罵賊甚苦賊斷其首竿諸東門之外長女斷  
臂救免君遂奉親匿他所斷首筆三上書陳詞賊之策  
不納欲投曾侍郎斬黃道梗乃北說袁副使於臨淮副使被  
議去屬臨淮田氏宗族強盛義衆千人要君主其家君前後  
四致書於余論滅賊事宜九月後遂無耗丙辰至都晤何孝  
廉言君死矣嗚乎君一文士而志存仇恥功雖不就其心爲  
可悲

卷之四

昏波阻洞庭武陵宵然遠幾聞羸劉來山屐驚落蘚橫被藤  
峽巒驟下濱江艣盡變漢衣冠慘戮秦雞大竹樹倒搶攘山  
雲亂偃蹇楊子解金龜誅茆偏蒼蠹千杵正邪許四隣走徒  
跣椎牛饗父老三百士可選山砦夜漆黑十輩耳語遣捉謀  
竿其首萬衆不敢眄幕烏謹有聲雲構漱在眼歌詩示鄰曲  
勞苦獲安晏唾彼牀下人疾怖面有靦楊性農席常通籍後  
不樂仕進歸卜居於  
武陵山中粵寇適至練三百人擒其謀而誅之賊  
不犯者環所居三十里因賦晏然閣詩以見志  
蕭寺尋秋圖爲張午橋舍人作 丁巳  
肅肅公省閒寥寥鐘鼓晚人隨暮雀行山與秋城遠卽事匪  
招邀會心一疏散清光蘆際月欲就僧房飯

宥窟殉難江浦遙哭以詩

戊午

烈風蕩南紀江漢如湯流天狼狎威弧格殺無時休夫子金  
閨人養志歸林邱夙秉壯士肝裂背向寇讎十年慈母懷宛  
轉兒女柔豈有國士知忽與風雲酬幕府盛才傑金貂逮俘  
囚翩翩書記工計策安足收白刃起帳下駭兇摧行軻百萬  
沙蟲中齒髮將焉求落月見須眉夢想恣冥搜棄絕賦大招  
嗒焉肝腸抽

男兒百年身沙場死亦好有屍裹馬革無屍膏野草青陽一  
三月江流白浩浩東方千騎來送君橫江道秋風吹金陵塵  
兵懸陽城旄頭屬軍壘凶門降妖星黑風吹鬱攸飛矢著丁  
寗不知主將誰酩酊殊未醒驅肝慘已甚拔舌血猶腥懷慄  
通父詩存

卷之四

三

七尺軀悠悠千載名

挽弓挽強其羽力真能飲石直欲桀然而抗古人此爲近世  
囂沈庚戌四月武陵弟楊彝珍識

橫山銳入驚心動魄篤守少陵家法而神明於規矩之外非  
時手所能望見小弟葉名豐識

要眇密栗樸邁渾堅注意設詞闖入杜陵之奧當今不得不  
以此事推袁善化同年弟孫鼎臣識

負氣高奇如泰山喬岳不可逼視又如強弓勁弩鏤厚一寸  
可射而洞之近箸述日富探之愈深蓄之愈遠沈警而幾於  
自然矣知希則貴相視而笑亦千載一遇願君深閉固拒如  
往時也校讀數過輒爲加墨並題卷末以志深契時丙辰夏

初桂林朱琦謹識

通父詩存

跋

右詩四卷吾師 通甫先生所手定也於 先生平生所作

僅十之二三而少作之存蓋寥寥焉 元生之言曰凡文章

之道貴於外闕而中實中實由於積理理充而緯以實事則

光采日新文無實事斯爲徒作窮工極麗猶虛車也音持此

論以窺古今之詩陶杜而外其逮此者唐之昌黎韓氏明之

青田劉氏亭林顧氏三數人可也 先生之論以讀 先生

之詩然後知詩之工拙不徒爭聲律窮雕鏤侈偉博也 先

生少時學詩頗勤四十以後或經歲不作或日得數篇蓋非

中有所感勃發不可已則不事苦吟雖或迫之亦徑謝去其

不苟如此音 學殖淺薄不足以仰測高深戊午出都謁 先

生於家適湯通政刻 先生文集將成稿喜是編之初定也

通父詩存

跋

一

亟出貲付諸梓因承 先生命而識其後

咸豐九年孟春沐陽受業門人周韶音敬識

29 150

L\*150

3

